





續修經小卷



Kodak Color Control Patches



續修楓涇小志卷三

志名蹟

古蹟

陸莊 在涇南四中區唐陸宣公故宅子孫聚族而居

陸宣公志

陳元鑣詩奏議舒忠悃聲名百世芳一莊留此地雲水感

蒼茫

采芝室 元王世昌所居楊維楨記今廢

善志

杏花村 在鎮南關帝廟西元戴光遠別墅栽杏花甚多故名

今莊基村即其遺址

參善志

顧戩宜詩風颺青帘日未晡前村有鳥喚提壺杏花零亂
春深處好抱瑤琴一醉沾 葉珮麟詩杏花零落已無存

蔓草萋萋野色昏紫燕不來春社寂纖禽也識是荒村

清風角 在東港元張觀居此

涓夏錄載張觀西湜庵小輻樓臺界畫極工

蔡維熊詩賸水殘山付斷紈清風一角老張觀西庵臺榭披圖是底索梅花拓本看

五哥莊 在芙蓉灣旁元五哥相公宅今廢

五哥相公元華亭尉顧萬子遷居

於此遂以五哥名

芙蓉灣 在小橋內元張觀種芙蓉處

善志

營墩 在張涇匯左相傳元兵南下時有李太均葛道聚眾結

營於此故名

善志

古賢里 俗呼梅園有元教授顧深墓

善志

硯子墳 在芙蓉灣左元張觀以硯殉葬故名

善志

魏塘孫燕昌詩磨硯人終被硯磨芙蓉灣日草綠坡丹青幾費臨摹手退筆應成翠堵多

戴氏故居 在虹溪上明顧文昂析居於此

四香亭 在仁濟道院右明周文襄枕治水時築後毀 國朝

里人戴容浦鰲蔡維熊等斂貲重建

善志按四香謂雨今廢香露香月香雪香

周文襄詩臺鎖陰雲日正長枝枝采采媚春光花朝醉臉

庭前溼撲席惟聞散雨香 紅白蓮開鷗夢長錦雲重疊

映波光高低影落隨風舞亂滾明珠瀉露香 簾捲星河

夜漏長一林清氣沁秋光誰知天上黃金粟萬籟銷沈噴

月香 鐵幹橫斜石徑長疎花點玉拂寒光北風剪剪清

人骨天地無塵是雪香 邑令戈鳴岐記略曰余出宰嘉

禾讀善邑志得明正統時江蘇巡撫周文襄公所建四香亭已心焉誌之壬子四月來攝邑篆至向之所謂四香亭者有濠濮間趣而知古人所寄良有在矣亭於明季罹兵火邑之名宿戴君西離萃同人醵金重建屬余爲記喜戴君諸同人不忘先哲高山之意異日身膺仕版此物此志其以是爲嚆矢也夫

得泉亭 在致和橋東麓明顧文昆墾地得錢因浚湮井築亭

其上

善志

咸豐庚申毀於寇光緒丁丑裔孫念奎募資重建

周寅詩清風義井古衢側泉脉源源來不息居人緩汲行人先丹室仙人方煮石築亭者誰顧虎頭我有義心天有錫凡今錢貨古曰泉一舉偶然成兩得 鈞灘王晉詩井

之亭兮大如斗井之泉兮甘若酒天貺筠翁固非偶翁於斯舉亦不苟琳宮石梁峙其右掩映西東共悠久芳名盛落行人口翁若視之不我有 胡晨詩得泉不作尋常用

古井從教一鑑開結箇清風亭更好泉聲時逐義聲來

陟翠山房 在仁濟道院明道士許拱盟修煉處今廢

古桂軒 在仁濟道院明顧備施藥處後改文昌閣寇毀

善志

文筆峯 在仁濟道院南與文昌閣對峙積土成之尖銳而秀如卓筆有關文運今廢

顧遜詩殿塑三清棘刺檐梓潼遺像自莊嚴隔溪文筆峰猶在橫掃千軍秀挺尖

十笏山房靜綠山房 在妙常庵明寂照禪師講經處今廢

古陸公井 在界河橋南井欄刻楓涇陸宅東旁義井萬曆五年四南區信士周奇同妻陸氏喜捨

綠溪 在王帶明正統時支立講學處有文瀛軒清且闊今廢

善志

吳瀟還綠溪訪古詩風月無邊草一庭森然妙蘊發新硯

清芬贏得流傳久葉葉人呼小五經

山曉閣 在羅神廟橋東孫琮著書處宏博秦松齡題額喬木

參雲皆數百年物朱太史彝尊題楹聯云不設藩籬恐風月

被人拘束大開戶曠放江山入我襟懷後歸王氏今廢

善志

錢諒臣過山曉閣詩乘夜亦相過知君永延佇高館肅清

秋空明澹無際爲愛竹林幽偏行無月處

右在鎮南

陳賢良隱居處

宋史所載白牛村別業是也

謂在大清一統志在嘉善縣清

風涇白牛村以名市

按善志云舜俞罷官後隱居白牛村自號白

牛居士故以名市攷記纂淵海白牛村在華亭不言由舜俞

之得名則白牛之稱舊矣

張堯同詩發策名猶在回頭事已非池塘春水綠空憶謝公歸

金沙灘 在海慧寺對岸相傳宋韓蘄王嘗屯兵於此土人掘

地屢得賞軍酒餅

嬰志

光緒四五年間又得餅數十枚

按韓餅到處皆

有蘄王未到之處亦有出土者賞軍之說恐是相傳之誤

陳邴韓餅詩古岸傾欹漲暮潮韓餅拾得認前朝從知折戟沈沙裏未必都隨劫火燒

留春亭 在海慧寺前宋時建今廢

宋僧德葵詩聞說芳亭著意濃留連美景一壺中歌聲不放鶯聲老酒面常陪花面紅筍迸玉簪穿落日柳拖金線繫東風時人盡道春歸去疑是桃源路忽通 楊次公詩古今春過知多少人不留春白頭早君欲留春春不知爲君一賦留春詩留春莫只留花住花老春風亦隨去孰若芝蘭香不歇亭下長如二三月

水波壁 在海慧寺北廊今廢

德葵畫水波壁歌君不見昔人十日畫一水摩挲窪窪隨手起若非胸次吞江湖安得波瀾來筆底我來蕭寺觀奇蹤壁間隱隱騰蛟龍初疑乘風馭弱水恍然坐我蓬萊宮

又疑去年八月秋水溢陰風襲人廊廡溼誰知畫者巧通神董羽至今羞死筆此水不是畫一水一水勢相及對此融神坐終日後人雖畫畫不出何如倒卻毗陵嚴華筆海

慧北廊推第一

八角井 在海慧寺旁

柏學士茅屋 在薇枝浜柏古莊黃星周題額其吟詠處曰小

香巖今廢

采入松江府續志

柏古詩涇水洋洋可釣魚棲遲絕似碧山居詩交杜甫千秋上春老陶潛五柳餘學士清風還拂拂野人茅屋豈渠渠年來已辦漁樵事徒有傳家太史書

右在鎮北

園林

陸氏園 在四南區荒字圩南宅浜宋宣議郎陸祖壽遺址四圍通水中可十畝相傳為陸氏園

費氏園 在四中區費家浜明孝廉費朝憲葺分東西圍廣數十畝今廢

東園 明顧謹別業有綠雲徑半畝池名人題詠甚多今廢

顧人文詩綠雲芳徑紫茸埋半畝方池兩部蛙讀罷桐村數行序古香零落不勝懷

松鱗書屋 在南陽村張離構董宗伯邦達題有白皮松一株係數百年物後屬程氏寇毀

李葵生記畧曰張子鷗盟與余締總角交嘗構別業於南

陽之坡前臨池右種竹四時蒔花木又植青松數十株使多歷年所為讀書課子孫之地此松鱗書屋之所由名也

晚翠軒 在松鱗書屋東亦張氏宅寇毀

適園 在東港蔡巽修別墅中有松風閣桂坡竹廊諸勝後屬謝氏寇毀

蕉園 胡世培葺其吟詠處曰楓南書屋今廢

胡世培詩自剗荒蕪地數弓倦來拋卷到園中不勞更把陰符看大半甘心作釣翁

清風閣 在東港謝垣別墅子純鉅築得月榭今廢

葉珮麟詩間泛輕舟日未斜
葉塵遠隔水平沙清風閣外
香風起丹桂初開滿徑花

虹東草堂 在黎家橋東丁斯年葺長洲沈文愨書額中有雙
桂軒團月窩牡丹齋仙人洞寒梅徑二喬巖薔薇屏活水池
玉蘭坡紫薇叢今廢

望雲樓 在適園後太史謝恭銘藏古今碑帖處刻有望雲樓
法帖行世同治二年毀於寇石刻為劉統軍秉璋攜去

復極涇由賊壘中檢得望雲樓碑石
飭健卒載至蘇州後遷歸安徽家中

曹文正公振鏞詩望雲君名樓吾以名吾軒引領雲起處
思親無晨昏吾師精鑒賞真贗窮本源涉石垂永久賴有
後賢昆先公酷嗜古卷軸手自翻分藏俾合翫易簣有遺
言嗟哉吾伯氏寥落今安存雲聚易結影雲散難留根白
衣忽蒼狗新安江上村 鈎摹十冊輯想見昔典型唐賢

仿舊跡冠以黃庭經幽宮表先德殿以墓志銘吾師盛文
藻獻賦登 天廷光華動卿月聲望轉使星好學老不倦
七十有七齡我為門下士慚愧野鶴形相期渥清足相譽
鳳凰翎師恩感知遇念及每涕零幸有哲嗣在尙記鯉過
庭他時若歸去扁舟訪楓涇

怡園 在九北區上舍楊羨仁築

涉趣園 在九北區草裏孫楊堃築刻有涉趣園唱和詩集吳

江郭馨序

環柳莊 在四中區東冬圩夏仁山建中有愛吾廬鶴鳴山房

聽漁歌處草隱亭今廢

程氏園 在虹溪上道光初為上舍程僖得重葺之地雖不廣

有漱石居小壺天餅花館頗饒泉石花木之勝寇毀

右俱鎮南

陳園 在朱家橋內陳簡叔築後屬黃氏寇毀

陸園 在惠安里陸家匯江油令陸翼弟裴野別業中有桂嶺

梅軒雲深閣棲鶴處洗硯池今廢

宜樓 沈承點葺有十景梅林晴雪松院疎風竹墅茶煙棋枰

蕉雨平橋月鏡隔岸鶯梭桃涇漁艇柳陌農歌鄰園晚嶂曉

寺晨鐘同里徐維城各詠以詩咸豐十年寇毀

縣壺小隱 沈蓉城葺今廢

蘆洲別墅 在北柵外沈守洮築

右俱鎮北

第宅

宋古正言許克昌宅 在鎮南久廢

怡養堂 在鎮南明顧文昂宅今廢

高士軒 在鎮南虹溪上明顧道心宅今廢 按道心號主齊附

簿去官時陸中丞賈山送以詩云高士誰云不為簿
軒中他日己更名蓋以考亭屬望也歸築高士軒

浦堂 在鎮北花園埭明沈泓宅有妙來齋泓著易憲處 妻志

南松堂 在鎮南硯子墳北顧氏世居於此俗呼高屋今廢

寶綸堂 在鎮北高陽坊 國朝處士曹燾宅邑令李天柱褒

其廬曰高風可仰中有塵隱齋燾孫復元讀書其中今廢

永思堂 在鎮北尤家場給諫楊爾德宅後屬趙氏寇毀 妻志今

屬葉氏

居易堂 在鎮南芙蓉灣陳原著四書述解處今廢

鳳覽堂 在鎮北張家橋北高明令陳培宅寇燬

旌表孝義陳仁宅 在鎮南芙蓉灣寇毀

鎮撫葉昌鼎宅 在鎮南仁濟坊後屬孫氏寇毀

鎮撫尤毅宅 在鎮北尤家場後屬葉氏寇毀今鄒氏重建

廉訪浦文焯宅 在鎮南小橋內後屬翁氏寇毀

鄉飲顏士偉宅 在鎮北桃源巷寇毀

鄉飲王任相宅 在鎮南球場久廢今屬葉氏

南部縣知縣林鏡宅 在一保二十圖林家蕩

江油縣知縣陸翼宅 在一保十六圖藺家浜

味閒堂 在鎮南得泉亭北葭州知州陶爾稷宅今屬陳氏

妙正真人婁近垣宅 在鎮北惠安坊中有 旌額二一曰葆

素行仁一曰高義可風為鄉約義士婁某立 相傳真人之先

尤理暴骨事力行之咸豐十年寇毀

四詠閣 在鎮南秀南坊典簿戴賓構董文恪繪圖沈文懋為

記後屬許氏咸豐十年寇毀

惇裕堂 在鎮南孫家街西百歲翁程緒祖宅俗呼官房

尊德堂 在鎮南廣濟坊封翁蔡維熊宅嘗會九老於此

閣學許王猷宅 在鎮南羅神廟橋東後屬王氏寇毀今建清

賢堂

南村草堂 在鎮南太常寺少卿程鍾彥別墅今廢

三友齋 在鎮南蕘塘浜修撰蔡以臺宅後屬沈氏寇毀

啓秀堂 在鎮南羅神廟橋西少宰謝墉宅成親王題額兵毀
贈道銜內江縣知縣許椿宅 在鎮北永昌坊寇燬重建

環碧書莊 在鎮北桃源巷 內廷供奉沈映暉宅有十景曰

桃源深境溪北茂林竹徑松風桐陂蕉雨遠寺聞鐘小橋攬

月鴉鳴古木魚躍清流東田染翠西窗映雪今尙存數楹

沈映暉序畧曰甲戌春仲築小齋於屋後名曰環碧書莊

地居桃源巷之深處廣不盈畝四時之景俱取諸書室之

外甫陽張先生課兒姪於此齋居停既久樂其景物之清

遠間曠撮其大略名以十景云巷名何自號桃源守樸由

來非避喧小艇隨溪穿不盡微波宕樣落花繁桃源深境小築

菲堂傍水濱向榮萬木及時春北窗靜對渾無事疑是羲

皇以上人茂溪北謾謾濤聲響半空聽來竹徑思無窮明年

更挿籬邊菊三友居然處士風松竹龍門移植陰青蒼暑

氣已平暗度香更愛綠雲一片雨聲聲浙瀝送微涼蕉桐

遙瞻古刹似天關只隔長隄水一灣萬籟無聲書閣靜忽

聞鐘磬落雲間遠寺鐘步月野橋衫袖涼迷離煙樹識村莊

浮雲半夜清河漢領畧風光無盡藏小橋月到清溪似碧

瀾愛魚日日倚闌干當年莫問濠梁樂活潑生機靜可觀

魚躍志日暮還忻息舊巢古鴨農工四月劇堪憐纔了春花又

挿田喜得洪鈞生意滿頓數新綠徧東阡東田西樓浩雪

縱遐觀銀鶴瓊枝象萬端尤愛高軒展卷帙清光疑是月

光寒

西窗映雪

沈鳳輝和詩非關避世關桃源地僻迴殊城

市喧花落溪流無盡境客來應費問津繁桃源深境北窗濃綠

擁溪濱極目葱龍萬象春好擬蘭亭修禊事茂林曲水儘

宜人茂溪北林鳳尾千竿勢拂空龍鱗百尺狀難窮夢回一覺

游仙枕吹落松風又竹風竹徑松風濃陰滿地色蒼蒼雨遇風

生新綠香試取琴材彈一曲芭蕉葉上逗清涼桐雨偶然

策杖叩禪關活水源頭第幾灣最是霜天清夢曉一聲鐘

度碧雲間遠鐘月光如晝露華涼徑曲橋通野外莊祇恐

蛟龍驚不定明珠一顆水中藏小橋穀皺風生漾翠瀾甯

勞縱壑問江干須知我樂同魚樂蒲藻何妨一例觀魚躍清流

林茂知歸本樂郊霜餘古木尚爭呶卻憐我亦羈棲久爲

爾吟成念故巢古鵲碧浪層層色可憐一犁春雨響溪田

乘閒偶向東皋步邁迤行來徧陌阡東田一夜西風頓駭

觀雪花如掌下簷端老人不改耽書癖獨向窗前耐苦寒

西窗映雪新補

錫慶堂 在鎮南南陽村光祿寺卿陳孝泳宅後屬程氏寇毀

乾隆辛卯孝泳母朱氏年八十賜彩緞等物因築堂以紀恩榮

吟香閣 在鎮北永昌坊教授畢鎮宅後屬程氏寇燬重建

里人葉伯圭詩文櫬畫棟聳層霄秋日登臨極望遙萬樹

寒雲隨鳥聚千村落葉向人囂鐘聲隱約來鄰寺鴈影迷

離過市橋丹桂赤鱗森屋角果然香氣溢詩瓢

尊謙堂 在鎮南新街內邠州知州陳蘭徵宅寇毀

愛碧山房 在鎮北桃源巷侍御沈步垣宅中有八景即環碧

書莊舊址 見墓續志

方伯陳祁宅 在鎮南秀南坊寇毀

據經堂 在鎮南苟街西觀察王啓焜宅

兼山堂 在鎮西聚源橋南翰林吳遇坤宅今屬畢氏

觀察吳書城宅 在鎮南寶源橋西後屬程氏

壽官郁昌齡宅 在鎮南弦歌里寇燬重建 嘉慶庚申昌齡九
十雙慶侍講梁同

書題其堂額曰雙慶并書聯云北極
衡尊同壽城南陔眉桉兩仙人

留耕堂 在鎮北潛鳳坊馮家街內善廩生郁松垣宅

傳經堂 在鎮北北豐橋灣裏署祥符縣知縣費震文宅後屬

沈氏

靜觀堂 在鎮南界河橋南甯晉縣知縣謝宇澄宅寇毀今屬

程氏

純誠堂 在鎮北泰平坊長洲縣教諭許辰珠宅 以下
新纂

承慶堂 在鎮北潛鳳坊內閣中書陳垣宅

醉月居 在鎮北印家橋南訓導葉世熊宅

塚墓

柴丞相墓 在九南區中日圩

顏將軍墓 在九南區三荒圩

越王墓 在四南區大玉圩

郭將軍墓 在鎮南適園內有松兩株甚古寇至被戕

以上四墓未詳時代

唐

同平章事陸贄墓 在嘉興縣新豐鎮後墓前有橋俗呼陸贄

墳橋嘉興何志有宜公墓初未開遷葬故鄉嘉興之墓縣志

以爲衣冠識墓或然也又吳郡城北有一大塚相傳爲刻

公墓故其地名陸墓水名陸塘宋瀉熙間有於墓旁得遺刻

與所傳合郡人周虎張正發皆紀其事亦恐屬附會之詞

楊葉墳 在一保六十四圖相傳陸宣公二妾楊氏葉氏葬此

宋

宣義郎陸祖壽孫京師教授端信墓 在四南區荒字圩善志

迪功郎陸瑀墓 在四中區子鄉進士端仁墓 在水字圩孫

三司計正墓 在六日字圩陸氏三墓鼎足相望俗呼三角

墳浙江通志

將軍姚廷睿墓 在鎮北海慧寺後

餘杭主簿婁億墓 在胥山五都億參知政事機曾祖也善志

陳舜俞銘彼何人之門兮鴈行馬車老夫懷金兮童子紆

朱取其萬鍾兮不差毫銖庭有梁肉兮胸無圖書天之生

此兮何罪何辜句讀其話言兮節文其步趨抱筆而宵吟

兮鋪楮而晝塗天子招其以仕兮鄉人勉呼衆肩相煦摩

兮疾駕爭趨有司五上吾名兮禮部曾不一如退將羸其

角兮進且跋其胡行年幾六十兮僅免白徒一秩不能勝

兮朝強而暮殂考妣其謂我兮違悼妻與孥高者我難識

兮厚者彼難語諸百恨寂默兮秋草之墟

屯田員外郎陳舜俞墓 在九南區俗呼荒墩博士陳光遠銘

善志 一說在烏程今荒墩有陳氏墓蓋其子孫葬處後人因立

舜俞祠祀之嘉善楊志 按文獻通考及方輿勝覽載舜俞為嘉

者至其葬地弘治湖州府志謂在蘇灣及考呂太常黨福源

菴墓祠記則載舜俞為魏塘人墓在縣治東南七里有墩隆

宋蘇軾祭文嗚呼哀哉天之生令舉初若有意厚其學術

而多其才能蓋以兼百人之器既發之以科舉又輔之以

令名使取重於天下者若將畀之以位而令舉亦能因天

之所與而日新之慨然將以身任天下之事夫豈獨自任

將世之士大夫識與不識莫不望其如是何一奮而不顧

以至於斥一斥而不復以至於死嗚呼哀哉天之所賦為

偶然而無意耶將亦有意而人之所以思旋委曲輔成其

天者不至耶將天既生之以昇世人而人不用故復奪之

而使逝耶不然令舉之賢何為而不立何立而不遂使少

見其毫末而出其緒餘必有驚世而絕類者矣余與令舉

別二年而乃始一哭其殯而弔其子也嗚呼哀哉

司馬光弔陳舜俞詩海隅方萬里豪雋幾何人百沐求才

盡三薰得士新聲華四方響器業一朝伸他日蒼生望非

徒澤壽春 元黃魯德詩河水東流繞九墩至今不解識

真墳白牛曾踏風涇路故老時時說隱君

參知政事婁機墓 在嘉興府城南五十里里二都嘉興湯志

東三十里一塚甚高傳是婁機墓中有石室為盜所發見

元

松江訓導王文澤墓 在橫雲山秦裕伯銘志

隱士殷澄墓 在胥浦楊維禎銘志

鹽法官王富一墓 在一保斗門涇

隱士顧實墓 在一保白蓮寺南

處士張仲實墓 在四中區結字圩

張貞女墓 在四中區結字圩莆田學士銘張仲實女

教授顧深墓 在四中區梅園里

明

吳府審理孟觀墓 在鱗七區洪字圩志

布政使干璠墓 在四中區生字圩萬緣橋北志

里人葉珮麟詩干璠墓草一般齊太息蕭蕭日漸西涼月

乍移孤樹影峨嵋庵外冷淒淒

迪功郎王宗達墓 在一保夏家村尼庵內

處士顧元孫墓 在四中區結字圩

冠帶義士顧文昱墓 在四中區結字圩

庠生顧文昂墓 在四中區金字圩高明誌

贈中憲大夫顧態墓 在四中區結字圩

太僕寺卿顧際明墓 在保東區大陶字圩

翰林院孔目支立墓 在四南區宙字圩志

封翰林院編修李學孟墓 在三保柰字圩申時行銘志

贈少師徐賢文貞墓 在一保十九園志

欽天監博士胡齋墓 在嘉善縣治東二里志

國子監司業王嘉會墓 在四南區小地圩石泉港

處士李天祥墓 在九南區生字圩潘家浜奇珍四世祖也

黃梅縣知縣王相墓 在界河北岸西南匯

平海衛教授王紳墓 在鎮南聖堂浜

龍泉縣縣丞王綱墓 在鎮西米篩橋北有石坊綱字毓時其子孫稱毓時

公俗遂訛為尉遲恭墳

費氏世墓 在四中區西冬圩孝廉朝憲祖父以上五世連葬

孝廉費朝憲墓 在四中區西冬圩費家浜善志

湖廣副使盛唐墓 在九南區日字圩

贈中憲大夫蔣汝能墓 在四北區樊柰字圩七世連葬善志

工部郎中蔣茂墓 在四中區西冬圩善志

泉州府推官支大綸刑部主事支如玉墓 在胥五區善志

刑部郎中曹懋官墓 在九南區露字圩

百歲翁孫嵐墓 在九南區荒字圩善志

博士孫峰墓 在九南區一荒字圩善志

曹州同知顧備墓 在四中區陸莊

光祿寺卿周宗文墓 在四中區東冬圩善志

僉都御史錢繼登墓 在九南區辰字圩善志

國子監司業李自華墓 在

廉州府教授許應試墓 在胥五區東呂圩曹爾堪銘

鴻臚寺序班沈大化八品壽官沈來儀處士沈國柱墓 在一

保十一圖北陽村前志作沈產墓誤

貢生沈履道墓 在一保十一圖桃源巷

孝子郁性善墓 在四中區水字圩子期際祔

處士謝西涯墓 在鎮南南陽村教化浜俗呼沙泥墳

完節沈文炤妻宋氏墓 在二保四六圖方岳貢董其昌銘善志

禮部侍郎曹勳賜墓 在一保九圖秀才浜善志

鄉飲翁筠墓 在鎮南石灰橋內華亭令王良佐銘

新興縣知縣翁鐸墓 在四中區東冬圩

山東道御史沈澄一墓 在四中區姚家浜

刑部主事徐三重墓 在三保妻志

吏部尚書徐石麒墓 在九北區楊林村善志

翰林院編修沈基墓 在鎮西鐵灘頭

漳州府教授葉芳墓 在四南區大地圩俗呼學官浜

贈奉政大夫顧朝樞墓 在永七區

國朝

隱士王無欲墓 在鎮東梵香林後有碑記妻續志

贈文林郎崇祀孝義祠王任相墓 在一保十圖斗門涇

孝子孟春和墓 在永七區亞聖祠右

崇祀孝義祠曹燦墓 在金山干溪十一圖陸祥浜金山志

贈徵仕郎曹奕霞墓 在四中區西出字圩

孫貞女墓 在九南區天字圩長山縣知縣孫衍女名如英許

字錢廷銓謝蘊輝題武塘孫貞姑詩有同穴情逾同室永未
亡稱自未笄難句胡寓孫詩瘞玉埋香草一堆夕陽慘澹水

潞洄路人指點傷心處紅杜鵑花帶淚開吳府志

孝廉張介墓 在九南區騰字圩嘉善楊志

贈文林郎費有度墓 在一保十七圖鞠字圩季家灣

八品壽官庠生費升俊墓 在一保十七圖衣字圩

贈通議大夫婁胃辰墓 在一保十一圖始字圩真入婁近垣

父婁志按婁志塚墓內作婁胃辰封贈內作婁明聘亦駐近垣也父未知孰是俟考

贈中憲大夫崇祀鄉賢祠陳華育墓 在一保宿字圩嘉善志

贈文林郎仙遊縣知縣陳華允墓 在四中區鎖殼裏

侍讀學士沈辰垣墓 在四北區稱字圩善志

大名府知府顧耿臣墓 在四中區結字圩善志

蘆山縣知縣顧向墓 在四中區結字圩善志

會稽縣教諭顧秉堅墓 在四中區爲字圩善志

武舉人施肇嘉墓 在一保十一圖皇字圩前婁涇東浜

石門縣知縣許涓墓 在遷東區北列字圩善志

江南道監察御史李允符墓 在四北區灘西浜

鄉飲戴大用墓 在四中區署字圩善志

庠生吳振裘妻節婦戴氏大用女墓 在九南區地字圩善志

高明縣知縣陳培墓 在一保頭圖荷花灣張可賓銘妻志

旌表孝義候選縣丞陳仁墓 在二保三圖西果村焦袁熹銘

贈奉直大夫陳振墓 在四南區唐子涇

贈文林郎陳禮墓 在一保十九圖鈞鉤浜

贈文林郎陳詰墓 在三保城隍村

直隸按察使浦文焯墓 在婁邑鍾英村 善志

考授縣丞歲貢生徐欽疇墓 在一保白蓮缺楊爾德銘 善志

翰林院編修高曜墓 在三保二十九圖新宅 善志

孝廉王錦雯墓 在四中區暑字圩

通山縣知縣龔在升墓 在四中區結字圩 善志

贈修職郎鄉飲錢森墓 在四南區騰志字圩 善志

鄉飲蔣芬墓 在四北區蔣柰字圩 善志

鄉飲恩貢生支元素墓 在四南區宿北字圩 善志

孝子孫肇薰墓 在九南區三荒字圩 善志

贈榮祿大夫錢永均墓 在四中區結字圩 善志

贈榮祿大夫錢商佐墓 在九南區騰字圩 善志

柳州府通判朱秀文墓 在三保如塘 善志

贈奉直大夫沈源德墓 在一保十一圖皇字圩陸翼銘

給事中楊爾德墓 在四南區來字圩 善志

贈翰林院修撰蔡廷正 封翰林院修撰蔡維熊墓 在嘉興

縣感六都東荒圩 善志

內閣學士許王猷墓 在遷東區北成字圩 善志

封妙正真人婁近垣墓 在江西龍虎山于文襄銘

封中憲大夫百歲翁程緒祖墓 在安徽休甯縣磨盤山

太常寺少卿程鍾彥墓 在四中區張字圩 善志

贈光祿大夫謝元一 贈光祿大夫謝春芳 贈光祿大夫謝

永輝墓 在四中區藏字圩 善志

吉水縣知縣王辰墓 在胥五區東律圩

江油縣知縣陸翼墓 在一保六十四圖南莊善志

溧陽縣教諭曹復元墓 在四中區西出字圩

杭州府教授趙金簡墓 在杭州西湖上

翰林院修撰蔡以臺墓 在四南區北宿圩善志

刑部員外郎謝垣墓 在四中區暑字圩牛尾浜子安徽候補

州同署徽州府同知純鈺附

吏部左侍郎謝墉墓 在四中區藏字圩附祖塋旁善志

封京畿道監察御史 內廷供奉沈映暉墓 在青浦四十一

保中赤字圩吳省欽銘

贈通議大夫陳廷聰墓 在嘉興縣感七都 贈通議大夫陳

敦明墓同

贈奉直大夫陳廷玉墓 在二保三圖油車浜

光祿寺卿陳孝泳墓 在一保六十四圖賀家浜曹文植銘善志

仙遊縣知縣陳興祚墓 在四中區鑽殼裏

濱州知州陳蘭徵墓 在九南區化成塘

甘肅布政使陳祁墓 在嘉興縣感七都那彥成銘

漢陽縣知縣汪墉墓 在一保宿字圩

贈道銜內江縣知縣許椿衣冠 賜墓 在青浦縣四十一保

伐字圩善志子安邑縣知縣煌孫恩騎尉河南候補縣丞基曾

孫兵馬司副指揮兼襲恩騎尉銘恩候選主事錫蕃同附

署廣西按察使蒼梧驛鹽道周升桓墓 在九南區萬家浜善志

州同沈廷枚墓 在一保十一圖北陽村墓旁築墓廬植梅數

十樹莫椒庭為繪圖

附貢生沈承點墓 在一保九圖秀才浜

給事中沈步垣墓 在嘉興縣感六都蔡廷衡銘

九品壽官婁增生沈蓉城墓 在四中區東馬莊

太和縣教諭沈日鎮墓 在一保十四圖制字圩

內閣學士兼禮部侍郎銜錢樾墓 在九南區姜家浜嘉府志

山東道監察御史程維岳墓 在金山縣十四五圖金山志

福鼎縣知縣陸澎河通判費秉禮墓 在四中區鄔家漾

四川鹽茶道王啓焜墓 在一保七圖生字圩王昶銘善志

翰林院編修改內閣中書陳鴻墀墓 在四中區藏字圩

翰林院庶吉士貴縣知縣吳遇坤墓 在四南區往字圩

八品壽官郁昌齡墓 在四中區水字圩

贈奉直大夫注選訓導陳秉元 連平州知州陳鵬 馳贈翰

林院編修陳世鈇墓 在杭州馬家鵞

署貴州按察使貴東道吳書城墓 在一保聞賢橋

直隸永定河南岸同知周震榮墓 在四中區嘉府志

南甯州知州周以炘墓 在四中區唐子涇嘉府志

翰林院庶吉士內閣中書謝恭銘墓 在四中區暑字圩

欽賜舉人戶部山西司郎中謝揚鎮墓 在四中區藏字圩

當塗縣知縣顧之葵墓 在鎮南西出字圩

江安督糧道錢金殿墓 在四中區暑字圩嘉府志

咸安宮教習舉人陳方駿墓 在一保十九圖鞠字圩續志

山東按察使羅煥墓 在九南區大月圩善志

贈國子監學錄萬縣縣丞王煥墓 在四中區金字圩嘉府志

建甯府經歷王莖 打箭鑪同知王鍾鈞墓 在四中區東冬

字圩

南康府知府王登墀墓 在九南區化成庵長浜

刑部郎中程廷泰墓 在四中區中崑字圩

直隸州知州程廷璵墓 在四中區東成圩

署浙江督糧道台州府知府陳大溶墓 在四中區王家灣

萊陽縣知縣蔡傳聲墓 在四中區戚家堰子兩淮候補鹽運

司知事祖存祔

江華縣知縣陳家樂墓 在四南區雨字圩

都察院左副都御史錢寶青墓 在四中區東冬字圩嘉府志

贈翰林院庶吉士夏金堂墓 在九南區騰字圩楊橋南趙家

浜善志

南雄直隸州知州孫成彥墓 在九南區日字圩善志

文童王大木妻烈婦顧氏 孝子王濤墓 在鎮南小橋裏里

人建祠於旁祀之

運同銜長洲縣教諭許辰珠墓 在一保二圖光字圩野茅洞

新墓

四品銜內閣中書陳垣墓 在四中區張字圩新墓

五品銜鎮海縣教諭孫葆徵墓 在九南區日字圩灣涇港善志

沈貞女墓 在一保十一圖始字圩白牛塘口 妻續志

嘉郡增生程炳墓 在九北區東北宿圩 以下新纂

贈奉政大夫旌孝葉奕良 封奉政大夫訓導葉世熊墓 在

青浦縣四十一保五十四圖伐字圩

同知銜揀選知縣郁宗蕃墓 在四中區東冬圩丁家浜

就職訓導歲貢生郁德標墓 在四中區水字圩龍堰

處士朱乃熾墓 在四中區金家坂

附義塚

積骨塔 在白牛蕩側里人程士文建有碑記

義塚 一在四中區岡字圩明吳府審理顧備捐田三畝三分

四釐上林苑署丞顧梧芳捐田十一畝築牆立石以垂永久

善志 一在一保十一圖始字圩 國朝乾隆十七年田爾康

捐田一畝四分 嘉慶二年張身濤陳蘭徵等倡舉瘞埋稟

縣立案禁止火化收埋枯骨一千六百餘具刻有瘞埋總錄

五年至十六年張身濤等收埋枯骨一千七百十四具

十九年張修樂等收埋一百六十二具 道光元年王泰等

收埋八百七具續刻瘞埋總錄 三年水災厝棺被淹程應

枚捐貲僱人撈瘞二百九十二具於岡字圩 十九年主簿

李楨暨里人等瘞關帝廟旁厝棺一百十三具於結字圩

二十九年水災里人程熙雍捐貲千緡撈取厝棺瘞於陶莊

千窰兩處 咸豐十年粵寇焚掠居民多赴水死者里人陳

鴻基張慶溶程熙雍捐貲撈屍二百四十具埋於岡字圩

續義塚 一在四中區雲字圩同治八年葉永元捐四百二十
二號田三畝六釐 一在一保十圖光字圩撥永鎮庵管業
二十六號二十七號田八畝五分五釐 一在一保十一圖
始字圩許光墉捐九十三號九十四號田六畝四釐 一在
一保十七圖鞠字圩程光熊捐一號田十畝五分四釐 一
在一保十圖果字圩同善會館管業撥四十號田二分 一
在一保十二圖人字圩程同榕捐五號六號田二畝六分四
釐施華募捐四號田一畝九分二釐 一在一保十三圖遜
字圩唐永耕捐九十三號田三畝七分 瘞埋經費咸豐五
年程熙陽捐九南四中區北三區田九十一畝八分由同善
會經理 同治八年陳宗溥等稟縣通詳兩省大憲嚴禁阻

葬索規勒石永禁 婁邑碑在城隍廟內 同治八年至光緒六年鎮南

近鄉共埋枯骨六千一百八十八具胡錦曦金福田陳宗溥

經辦 同治八年至十年鎮北近鄉共埋二千六百八十具

光緒七年鎮北近鄉共埋二百餘具 八年鎮南近鄉共

埋四百具以上俱陳宗溥經辦 十三年鎮北三保各圖共

埋三百具沈椿經辦 十四年鎮北三保各圖共埋三百具

沈文治沈椿經辦 十五年鎮北三保各圖共埋三百具胡

錦曦經辦 三十二年共埋四中區暴棺八百餘具主簿陸

恕里紳陳銓衡沈椿僧祖望募費經辦 三十四年共埋鐵

路遷棺二百五十餘具於鎮南小南柵隙地里人沈廷柱尤

施賢經辦

柯萬源瘞埋疏昔周官垂除馘之文漢帝下收骸之詔孰
秉伯倫之曠達一鍤常隨空喘司馬之豪奢三年未就髑
髏臺建歡如夏屋之游漏澤園開罷聽秋墳之唱溯澤枯
之善有德皆歸讀瘞旅之文當仁不讓何況惠深梓里誼
切枋鄉良法久昭成規具在新鬼豈殊乎故鬼狼籍可憐
後人宜踵乎前人鳴工綦急楓涇鎮舊有瘞埋會自道光
元年停辦後斃牀易朽楮木多消殘魄銜悲燐飛五夜遺
骸抱痛嘯聚九原冥漠君死或有知奈無孫子窀穸事昔
原不缺久閱春秋蔓草荒蕪誰裹饅頭於城外山邱零落
徒思華屋於生前此行路所爲酸心而鄉居不忍袖手者
也爰糾同人擬承曩制過荒墟而憑弔暴露堪傷睹故板

以踟躕窮塵空委一抔待掩歎雨零日炙之餘四野重搜
免鳶攫狼銜之害顧事經重理多藉黃金而人有同情忍
披白帟欲驗羣生之歸土須資衆志以成城伏冀長者流
慈宰官喜捨各盡心而輸鏹當量力以解囊忱不封不樹
之摧發無量無邊之願整齊春掘免遭螻蟻之餐搜剔蓬
蒿豈效鯨鯢之築庶幾食風食炭悉憑黃壤以歸魂從此
附身附棺不向白楊而屑涕佇望釀花於此日恩感重泉
定徵結草於將來福流奕葉

續修楓涇小志卷四

續修楓涇小志卷四

志選舉

里人程兼善達青重纂

辟薦

王默 釋字典子章元時徵附傳金字

沈得四 常旌寺贊孝子徵授太

王基 舉字宗廉大官默子洪州武判中

王壩 才基弟授南洪川主簿秀

王嘉會 子監原司業鎮南王舉家明灣人歷官國

蔣文明 舉字百授官城萊蕪縣知縣正六年由生員保

顧心鏞 才字虎仲官光州八年知州鎮南人舉茂

曹奕霞 博字哲庭雅正十二年舉

陳孝泳 古字楓崖 分校乾隆十年由諸生薦與西清

謝 墉 一字金圃 欽賜乾隆六年內閣中書見進士試第

沈映暉 字雅堂 廩貢內廷乾隆三十年北人有南巡恭

進士

唐

陸 贄 朝字敬輿 初崇祀同平文章廟事東廡有傳國

陸 辰 同字祥文 贊族孫光開啓二公年有歷傳官

宋

陳舜俞 字令田 舉慶外郎有傳

婁 億 字出身 嘉祐年同簿

許克昌 字上達 紹興三十年

婁 機 字彥發 億曾孫 乾道二年歷官

婁體仁 嘉定元年

婁應元 嘉祐十年

婁應星 寶祐元年

婁應庚 寶祐元年

明

沈澄一 宣德元年

干 璠 正統壬戌 科歷官陝西

李自華 字見亭 嘉靖乙丑 科榜眼官

支大綸 字心易 萬曆甲戌 科知縣 福建泉州府推

顧際明 字彙甫 萬曆己丑 科官

徐石麒 書青浦籍天啓壬戌科歷官吏部尙

沈基 科字靜淵崇禎癸未

沈泓 主字臨嘉善籍鎮北人科官工部

沈龍 癸未友科夔州從弟崇禎

孟應春 籍字寅南孟崇禎癸未科仁和

國朝

楊應標 川字南城順治乙未科官雲南

章霖 官原名本練州字宗理順治乙未科

顧耿臣 官字奕開際大名府知府順治戊戌科

沈珣 科字選苞江蘇溧陽縣知縣治戊戌

李振宗 肅字欲仙康熙同知鎮南辰人科官甘

沈辰垣 院字芷岸康熙乙丑科官翰林

金皋謝 肅字應台康熙戊辰人科官福建

陶爾穉 州字穎儒康熙辛未科官陝西

林鏡 南字若淵康熙庚辰保林科官四川

許涓 石字拙邨康熙庚辰人科官湖廣

浦文焯 隸字元量康熙丙戌人科官直

許王猷 內字竹君涓子禮部侍郎會魁官

陸翼 縣字二舒康熙癸巳保蘭官四川

施昭庭 西字篤瞻康熙乙未科官江

楊爾德 禮字質為應孫戊戌科會元由編修官

畢誼 戊字元復鄉榜姓王康熙

黃景佳 直字 嶽柏 嶽鄉 縣知 唐雍 正癸 卯科 官

程鍾彥 官字 太常 寺少 卿 鎮南 科 有 傳

陳興祚 仙字 遊縣 知縣 鎮南 科 有 傳

趙金簡 府字 赤緇 上虞 籍 鎮南 科 有 傳

孫王綸 州字 初府 授鎮 南乙 丑科 有 傳

胡燮臣 知字 縣改 字 徽州 府乙 丑科 授 鎮南 科 有 傳

謝 埔 官字 吏部 左寺 郎 鎮南 科 有 傳

俞爾昌 壽字 縣知 縣 鎮北 陳申 家 灣人 有 傳

蔡以臺 官字 季沐 實院 修撰 鎮南 科 有 傳

許世埔 辛字 已邦 科 鎮南 人 有 傳

謝 垣 科字 官刑 部員 外郎 有 傳

畢 鎮 官字 甘肅 穎州 府 教 授 有 傳

程維岳 道字 監察 御史 鎮南 人 有 傳

沈步垣 京字 畿道 監察 御史 鎮北 人 有 傳

謝恭銘 庶字 壽士 官 鎮南 人 有 傳

陳鴻墀 原字 名治 鴻閣 中書 鎮南 人 有 傳

吳遇坤 廣字 西貴 縣知 縣 鎮南 人 有 傳

舉人 注北 榜注 有某 鎮南 會鎮 子北 姪人 兄弟 江者 亦南 不再 善注 妻餘 籍做 者此 不

宋 婁 恂 江字 中式 年 億子 考

元 錢應庚 鎮字 南南 西金 涇科 年 有失 傳

明

王達

字公路永樂甲午浙江中

沈澄一

科年失考

干璠

正統辛酉順天

支立

官翰林院孔子目王帶鎮人浙江經魁

干玘

天字中式璠弟景泰癸酉順

陸嶽

官惟鎮弘治戊午南鎮南人

支大綸

立孫嘉靖甲子浙

李自華

嘉靖甲子浙江

郁應元

字棟泉嘉靖甲子浙江中官

費朝憲

字懋仁嘉靖甲子浙江中官

顧際明

萬曆戊子浙江

支如玉

字節瑛大綸子萬曆庚子順

徐石麒

萬曆戊午江南

顧朝樞

字仲執際明子天啓

孟應春

崇禎庚午浙江

沈基

崇禎間進士江

沈泓

崇禎癸酉順天

沈龍

崇禎己卯江南

王獻吉

字失考鎮北人

國朝

章霖

順治辛卯江南

楊應標 順治辛卯進士浙江

楊其芳 順治辛卯進士浙江

沈珣 順治辛卯進士浙江

顧向 順治辛卯進士浙江知縣

李振宗 順治辛卯進士浙江

顧耿臣 順治辛卯進士浙江

李嘉生 順治辛卯進士浙江

支隆求 順治辛卯進士浙江

王辰 順治辛卯進士浙江

沈業 順治辛卯進士浙江

陳培 順治辛卯進士浙江

王錦雯 順治辛卯進士浙江

金皋謝 順治辛卯進士浙江

沈辰垣 順治辛卯進士浙江

王鉉 順治辛卯進士浙江

王份 順治辛卯進士浙江

王廷鑾 順治辛卯進士浙江

顧秉堅 順治辛卯進士浙江

陶爾稔 順治辛卯進士浙江

李允符 順治辛卯進士浙江

李永棋 順治辛卯進士浙江

許涓 順治辛卯進士浙江

支汝靖 浙字仁山 康熙已卯 附傳

林鏡 康熙已卯 進士 江南

浦文焯 康熙壬午 進士 順天

陸翼 中熙辛卯 進士 江南

顧心錯 康熙辛卯 薦有 浙江中

施昭庭 康熙辛卯 進士 浙江

王猷 後復本姓曰許 王猷 進士 康熙

楊爾德 康熙甲進士 順天

許王謨 字端操 涓子 康熙甲午 浙江中

朱揆 字懷音 康熙丁酉 鎮西浙

畢誼 康熙丁酉 進士 順天

唐景佳 康熙庚子 進士 江南

楊恆 字以方 應標子 雍正癸卯 浙江

楊方岳 字會侯 應標子 雍正癸卯 浙江

程鍾彥 雍正丙午 進士 順天

陳興祚 雍正己酉 進士 順天

曹復元 字金興 門籍 隆北 丙辰 江南中

俞爾昌 中隆式 見進士 江南

趙金簡 中隆式 見進士 順天

孫王綸 中隆式 見進士 浙江

蔡魁 字榕 肅乾 遠縣 知縣 浙江中

黃士台 浙字近辰 中隆式 錢塘籍

胡燮臣 中乾式隆辛進西士江南

許椿 四字董園江乾隆辛知縣浙北人有式官

王士升 官字安徽六合隆辛知縣浙北人有式官

畢應辰 午誼子乾隆庚式

蔡以臺 中乾式隆庚進士順天

管唯木 東字配旗乾隆庚午江南中北式官廣

謝墉 乾欽隆賜舉人見進士第一

陳孝泳 光字康言乾隆壬申順天中人有式歷官

謝垣 中乾式隆癸酉進士浙江

陳廷輔 改名文煒字協君孝泳弟乾隆

汪墉 湖字廷珍順天中嘉善籍附傳

許世墉 中乾式隆丙進士浙江

顧日嶽 官字江蘇高儀乾隆庚辰知縣浙中

陳蘭徵 陝字香王乾隆庚辰順天中人有式官

畢鎮 中乾式隆庚進士江南

費秉衡 西字瀟江封中乾式隆乙

程維岳 中乾式隆戊進士順天

顧之蓋 浙字賓鹿中乾式隆戊子

謝昌鑒 寅字軒鑄中乾式隆庚

沈步垣 中乾式隆辛進士順天

顧之葵 中字葭林安之蓋兄乾隆甲午順天

許世培 江字得式因官山孫乾隆丁酉浙

徐鍵 湖字北掌修乾隆己亥順天中附式官

費秉禮 福建侯鼎隆縣知縣順天中有人式官

謝恭銘 中乾隆庚子進士浙江

謝揚鎮 賜字舉組人珉官塘戶部乾隆丙午郎中欽

吳堅 申字浙江山中乾隆戊

吳烜之 中字若木官湖州府壬子授浙江

程廷泰 中字西官刑部乾隆甲寅有浙江

陳治鴻 順改名中鴻式見進士

吳遇坤 中嘉慶式見進士

吳書城 天字擁萬式官貴州從貴東道戊午順

陳方駿 雁字康中侯嘉慶辛酉

王錫祺 式字佐新嘉慶癸酉有浙江中

程文杞 浙字江又中嘉慶乙卯

顧漢 江字中雲式官奉化縣嘉慶已卯附浙

沈璇 官字浙子瑜候補辛巳使江南中

謝漢 江字廣甫式官恭銘子道光乙酉浙

許辰珠 式字綺庭道光丁酉有江南中

許錫蕃 浙字江搢中峯式樁候選孫道事光己亥

郁岷江 江字蘇湘候補直隸庚子州浙江同附式官

陳垣 式字星庵候選內閣中書浙江中

謝公桓 江字次圭官揚鎮同治丁卯附浙

郁宗蕃 中字耘夫光緒乙亥有浙江

陳銓衡 字金唐 光緒癸巳 浙江中使 揀

葉理封 字安桐 徽光緒甲午 州南中式

李常瀛 字楚材 光緒丁酉 浙

貢生

宋

陸端仁

明

支茂 字宗衍 永樂丁亥

李萼 字春園 景泰庚午 丞有傳官

王相 字廷輔 成化丙申 歲貢官

陸嶽 字惟鎮 弘治

王紳 字醫庵 相子 弘治甲子 歲

支高 字景瞻 立子 正德丙子 歲附傳

顧儀 字應韶 嘉靖丙戌 歲貢

顧奎 字文元 嘉靖乙巳 歲附傳官

支祿 字子賢 嘉靖己酉 歲貢

顧元定 字靜夫 嘉靖辛酉 歲貢

孟重德 字尊素 歲

顧態 字汝美 隆慶丁卯 歲

葉宜春 字明台 萬曆庚

顧士林 字文叔 備會

許應試 字廉州 府教 授有傳 貢

戴叔遠 字元述 天啓丁卯歲貢 官象山縣教諭 有傳

沈泓 崇禎戊辰嘉興府 學選貢見進士 有傳

孫文鋒 字官韜 崇禎癸酉歲 貢昌化縣教諭 有傳

支如璿 字小白 崇禎庚 午副貢有傳

王鶚薦 字履貞 崇禎乙卯 府學歲貢有傳

王睿 字聖若 崇禎己卯 副貢官 有傳 南人

沈產 字東里 崇禎己卯 有傳 南人

國朝

支揆英 字惠侯 順治丙戌 府學選貢 有傳

戴恆 字廣汝 順治丁亥 貢官 有傳

王會 字雲南 順治戊子 貢官 有傳

章本練 字名霖 順治戊 子副貢見進士

顧价 字辛卯 順治 辛卯副貢附傳

章颺高 字本練 順治甲 午拔 上海籍鎮北人

顧价 字改名 順治 甲午再中副貢

沈業 字見舉 壬子 拔 貢見舉人

浦文焯 字康熙 丙子 副 貢見進士

胡應宸 字恩貢 陳南 人 有傳

支期 字生鎮 南 人 有傳

張心培 字歲貢 鎮南 人 有傳

楊燈 字元煥 甲午 副貢 有傳

孫方誕 字官沛 縣教諭 徽州籍

顧惟遠 字秋霽 康熙年 貢鎮北康人

施肇鉉 字錫淇 康熙年 貢鎮南康人

沈燦 字爾卓 康熙年 貢鎮北康人

蔡以封 字正桐 乙卯以優貢

許廷燦 字星海 丁巳副貢

胡燮臣 字進士 拔

蔡以臺 字見進 士天

支江 字梁源 附子乾隆

許經 字名隆 丁卯附學

徐維城 字韓浦 南人庚午

蔡以封 字義隆 壬申副貢 官

陳蘭徵 字隆內 子副

張雲威 字庚遇 乾隆年 貢鎮南人

顧有綸 字山言 乾隆年 貢鎮南人

顧之葵 字隆乙 酉拔

葉夢麟 字合昭 庚寅順天副貢

朱章 字傳漢 乾隆年 貢鎮南人

蔡學敏 字景中 乾隆年 貢鎮南人

林木臣 字汪千 乾隆年 貢鎮南人

林澹 字輝山 乾隆年 貢鎮北人

林堂 字踐翼 乾隆年 貢鎮北人

許世封 卯字奕副 貢傳乾南隆人 癸

葉大威 未字衛 貢隔乾南隆人 丁

吳坤 酉改拔名 貢遇坤進士 隆己

汪柏英 戌字異 貢寒乾南隆人 庚

陶之金 癸字載 貢岳爾嘉善籍 隆

許漢艾 慶字晉 貢康世 嘉

汪鳴珂 恩字德 貢仁嘉北 隆

林文螭 歲字采 貢苞北 隆

鍾奕欽 歲字石 貢鎮北 隆

鍾星源 慶字銀 貢州北 隆

費洙 道字光 貢年恩 禮子

謝沂 道字一 貢庵西 拔子

黃蕃 恩字飛 貢鎮南 光

程光熊 富字陽 貢壽咸 丙

陳宗溥 就字職 貢訓士 導

謝嘉樹 酉字憂 貢卿梅 同

葉世騏 官字碣 貢關山 同

程德培 同字治 貢樹甲 光

郁德榕 光字麗 貢乙亥 副

施遂 恩字仙 貢鎮南 光

程世烜 歲字蓮 貢就君 職

郁德標 申字芷 貢府學 歲

沈文源

貢字廷伯光緒丙申歲

郁崇光

寅字形雲宗蕃子光緒壬寅歲

蔡錫勳

貢就職縣丞鎮南人

程兼善

貢就職訓導鎮南人

李濱

優貢官江蘇候補縣丞

沈霖

預考才光緒辛亥府學

武科進士

葉昌鼎

州字西壽備除杭籍鎮南人

尤毅

憂字葦廣康熙甲戌科官安

武科舉人

薛曹

式字鎮南四區沈家埠人

施肇嘉

江字况青榜元鎮南人丙午浙

胡允滋

江字來修鎮南人丙午浙

葉昌鼎

中熙乙卯進士

馮斌

西字石攻中熙辛

尤毅

中熙庚午進士

楊起龍

中字式鎮南九北區人

王世錡

江字雪洲咸豐壬子浙

掾敘

明

李敏

縣官無錫

王綱

縣官龍泉

顧備 同歷官山東曹州府

顧時可 典史伯宜授義甯

國朝

朱來遇 山縣飛官崑

程濟亨 分發時齋供事邱縣滿縣用經歷

儒官

李剡 明馬

藝進

陳以誠 明太醫院官

吳照 明區人九

胡齋 明欽天術博

議敘

徐鍵 字掌修舉人由國史館

謝楊鎮 字組珉舉人四庫館

陳祁 字如金四庫館總督鎮南人甘肅

陳鵬 字翼廣東連生方州知州鎮南人吏目

陳晉 前字慶淮監生武英殿南縣知縣鎮南人福建

陳景蕃 字炳章監生三使通鎮南人

謝純鈺 字蘭階垣子四庫館縣錄丞

程廷濟 字悅舟廩貢生方州鎮南人議敘

陳大溶 字安瀾附監生糧道寄籍宛平縣鎮北人浙江台

陳秉元 字仁溥國子監肄業

沈玉階

字仲與，廩貢生，國子監肄業，議敘，訓導，鎮北，人有傳。

黃春暉

字古庠，附貢生，四庫館人，謄錄，議敘，官雲南布政司經歷，北人，有傳。

沈廷植

字薇初，方安縣典史，議敘，分補，遺類，以十人，不能列。

補遺

類以故下以十人補遺不能列

陸祖壽

宋授宜義人，鎮南陸莊人。

陸瑀

祖壽子，授迪功郎。

陸端信

鴻子，官京師，教授。

王富一

鹽法官，鎮南人，遷場。

王文潭

官松江府學訓導，鎮北人。

顧深

官嘉興府學教授，鎮南人。

王宗達

富一子，明洪武初授迪功郎。

李道立

字維陽，洪武時由推官任江西瑞州府司理，鎮北，吳家石橋人。

葉定

字靜庵，監生，官湖南湘潭縣丞，父璘，永樂初由洞庭山遷居。

翁鍊

字大官，鎮南人，饒州府倉大使。

保舉

沈汝梅

字敦庵，舉子，附貢生，同治初軍功。

葉世熊

字培卿，附生，同治初軍功，候選，訓導，青浦籍。

許辰珠

字綺庭，同治初由見舉人，軍功，保加，運同，銜，見，舉人，知縣。

陳垣

字星庵，同治初由內閣中書，軍功，保加，四品，銜，見，舉人。

謝琪樹

字修眉，恭孫，監生，同治初軍功，保舉，巡檢，試用，江蘇。

謝敏樹

字蔭庭，恭孫，增生，同治初軍功，保舉，主簿。

陳蘊藻

字繡甫，垣子，同治初軍功，保舉，巡檢。

陳維祺

字仲周增生兩江督幕贊理洋

應例

明

顧位

字應德廣縣貢生

顧傳

字應中江西進賢縣人

顧道心

字汝理浦城縣主簿附生

顧誠心

字汝化荆州判附生

顧梧芳

字起鳳署丞陸廉州子附生

顧桐芳

字起鳳署丞陸廉州子附生

顧汝芳

字起鳳署丞陸廉州子附生

王詔

字起鳳署丞陸廉州子附生

翁鐸

字起鳳署丞陸廉州子附生

陸道乾

字起鳳署丞陸廉州子附生

王緯

字起鳳署丞陸廉州子附生

陸申

字起鳳署丞陸廉州子附生

翁鎮

字起鳳署丞陸廉州子附生

顧性

字起鳳署丞陸廉州子附生

翁淵

字起鳳署丞陸廉州子附生

沈大化

字起鳳署丞陸廉州子附生

國朝

許世俊

字起鳳署丞陸廉州子附生

胡華元

字起鳳署丞陸廉州子附生

顧乃西 字卓謀 籍江西 有縣傳

顧琦芳 字開西 鎮南東 鹿縣人

金維嶽 字崑南 籍長山 陰縣人

黃大德 字維嶽 鎮南東 鹿縣人

蔡煒 字奕園 鎮南東 鹿縣人

程鵬鳴 字雲甲 附貢 南生 中

蔡以堂 字鵬南 鎮南東 鹿縣人

程亮祖 字生戶 鎮南東 鹿縣人

程靖祖 崖州 吏目 鎮南東 鹿縣人

王松喬 字壽丞 監生 湖南 永

王雲根 字正五 監生 陝西 布

王秉樞 字衡宇 監生 直隸 清河

王燾 字壽凝 監生 永善

王公燮 字絳江 監生 湖北

顧勤墉 字既垣 監生 授知縣 附傳 國

王啓焜 字南明 監生 四川 鹽

王德照 字旭辰 監生 河南

王輝 字慎修 監生 湖南 雙江

高星遠 字慎修 監生 湖南 雙江

謝洪恩 字沐堂 貢生 直隸 廣

張身浩 字史諭 貢生 有義 烏

沈銘慎 字恭衣 附貢 南生 陳

顧繩曦

監生河南候補

王汝燭

縣知映川監生平彝

王煥

保字中照監生萬縣丞軍功

王燭

巡字鳳書江村

王烈

容字雲巖監生湖南華

王建勳

用字新模廩貢生試

程若容

借維岳子直隸縣丞

沈日鎮

州字愷王慶貢生宿

王修璫

新字浮江監生歷署湖北

王大墀

署字慶章廣東候補鹽南大使

王裕坊

用監生直隸北河試

王堃

建字養齋啓焜子

王增

三字蓉川監生四川

王塔

檢字陞升煥子監生四川百丈司巡

王登墀

有字桐軒啓焜子江

王修塋

丞監生福建縣

張修樂

工字泗水監生河南

沈仲杰

山字少梁慶貢生北人

沈遂初

六字苞原訓慶貢生北人

胡崧

縣字峻夫廩貢生北人

陳尚詩

岑字溪三附監生廣西

黃金城

本姓陳後歸宗更名陳尚誼附監生

張 墉 字竹巖 監生 臨海人

張朝銘 字敦安 監生 江西主簿 借補同安巡檢 鎮北人

顧履恆 字晉安 監生 雲南沙木和巡檢 鎮南人

程昌大 字壽試 附監生 直隸滄州判 鎮南人

蔡傳謹 字純孫 以臺孫直隸 濟民場鹽大使 同知 鎮南人

蔡傳聲 字翼芳 監生 江蘇甘泉縣 知縣 捐陞 同知 鎮南人

蔡長庚 字通判 監生 湖北 府通判 鎮南人 有傳

蔡佩章 字石澗 附監生 福建 白石司巡檢 鎮南人

陸 銓 字楷山 監生 陝西三原 縣知縣 鎮北石徑街人

程文樾 字秀章 監生 河南 禹州判 鎮南人

孫懷澄 字樵郵 附監生 江蘇金壇縣主 附監生

張世泰 字汝陽 監生 河南 南吏目 鎮北人

黃世燦 字炳初 監生 雲南 姚州判 鎮北人

沈登瀛 字傳林 監生 河南 署陳州府通判 鎮北縣丞

程 柱 字在衡 監生 陝西 原縣丞 鎮南人

王如圭 字調元 監生 河南 嗣巡檢 鎮南人

沈青墀 字用吉 監生 山東 惠民縣丞 鎮北人

徐登鑾 字殿越 監生 天津 車同知 鎮南九曲府人

王修地 字心庵 監生 江西 安縣丞 鎮南人

王大均 字翰屏 監生 廣西 濱州知州 鎮南人

陳鳳枝 字桐崗 監生 陝西 南縣丞 鎮南人

陳秉悌 字保恭 監生 山東 巡檢 鎮南人 有傳

陳秉浩 陞字映波 監生陝西巡檢捐

謝蓮鏢 光字劍揚 監生山東壽

俞仍實 江字益齋 爾昌子 監生

王大城 坊字雍南 榮蔭 巡檢南人

王鍾鈞 四字羅山 啓錕 孫同知 監生

程廷澤 潭字鏗 懷史 鎮南人 湖湘

謝江 生恭銘 子廩 貢

許基 河字亦廬 補縣丞 世職

戴公望 司理問石 鎮南人 蘇布政

王慶濤 生河壩 伯建 勳子 增貢

費震文 祥符 縣知縣 鎮北人 縣丞 署

郁道鍾 用字石琴 廩貢生 試

謝宇澄 隸字石雲 廩貢生 直

程廷濤 知事 借補 新喻 縣丞 鎮南人

王紹釗 江字蘇芬 登 吏目

程松 長字懋齋 嚴政 場大使 鎮南人 有傳 調

蔡潤琛 北字佛華 濟縣 知縣 有傳 湖

蔡祖存 淮字碩齋 補 監生 有傳

吳承業 署字蘭堂 監生 河南 候補 縣丞

陳家樂 湖字和齋 大 縣知縣 監生

費均 官字治平 震文 子 監生 有傳

程文榮 北字蘭川 監生 江蘇 有傳 府

王繼鈞 字石甫 署登壇子 監生江蘇 候補

王忠鎮 大均子 廣西 候補縣丞

王炳 修地子 監生江 西試用從九品

施鑑 工字周 補巡檢 鎮南河 南人

謝仁溥 州知州 署宜陽 縣知縣 殉難 鎮南 人有直隸

陳煥聲 江武韻 樓大溶 孫附監 生浙 籍

程繼 山東武 縣監生 典史

謝調梅 林伊通 河巡檢 有傳 生吉

蔡承啓 直隸文 安縣主 簿監生

蔡承裕 政字繞 齋承啓 弟直隸 候補布

郁以徵 知事芝 園監生 署江蘇 鎮南人

程應璋 巡字芝 眉廷濤 子監生 江西 試用

陳宗元 補字淵 鴻場松 溪縣監 生福建 候補

王詮 縣字瀛 勛望孫 錫縣蘇 候補

蔡斌 監生 鎮南人 候補

沈鴻猷 試用 未附貢 鎮北浙 人

顧德坤 補字子 茵監生 江蘇 候補

郁濤 貢字秋 勛選江 鎮南附

陳宗親 縣字子 因鴻塢 子監生 廣東 候補知

費韓青 南均子 監縣丞 河

程榮 邑字補 夫監生 山東 堂

黃福清 思字平 卿監生 鎮南廣 西

王姚泰 字大夏 梅修地孫監生江蘇候補道

姚朝奎 字若愚 附貢生候

張國治 字子俞 本姓俞 監生江蘇人

程光煒 字常俊 三廷濤孫 宜監生江蘇候補縣丞 歷

王秉玲 監生江西樂安人

蔡振基 字九根 香監生湖北候補

謝玉樹 字仲嘉 漢子廩

程熙福 字又村 文榮子 世職江蘇

程重熙 字小村 文榮子 監生福建

張彬 字以訓 廩貢生浙江

陳金鏞 字諾誠 宗親署湖陽縣知縣

程熙敏 字穎庭 文祀子 監

蔡端麟 字梓生 廩存子 兩

許承溥 字厚甫 錫蕃子 監

張榔 字桂卿 彬弟 監生江蘇金山

程之麟 字蔚人 附貢生大興

陳堃修 字子豫 煥聲子 監

陳奎修 字子晉 煥聲子 監

沈枚 字卜嘉 監生江蘇嘉善從九

程福增 字春錫 波監生江蘇嘉善從九

姚錫綸 字密臣 朝奎子 附貢

姚有錚 字香朝 奎附貢縣丞 浙江

程培藩 字江芹 蘇州府 試用縣丞 附監

程葆琛 字崧坡 常熟縣 典史 試用 從九

吳大晟 字西澗 蘇州府 照磨 監生

蔡家齊 字叔平 附貢 典史 試用 從九

翁以熙 字鶴巢 蘇州府 監生 試用

沈守洮 字東陽 蘇州府 導貢 試用 授

沈椿 字昌少 蘇州府 附貢 試用 授

沈陰榕 字西岑 蘇州府 同知 試用 授

畢以鐸 字笑玉 蘇州府 監生 試用

陳繼曾 字廣參 蘇州府 補知縣 附貢

程培華 字九稚 蘇州府 監生 試用

姚文清 字分韻 蘇州府 監生 試用 授

陳晉蕃 字廣東 蘇州府 補知縣 附貢

陳繼蕃 字蘇仲 蘇州府 補知縣 附貢

畢以培 字衡雅 蘇州府 監生 試用

黃文鎬 字丞冠 蘇州府 監生 試用

沈明燦 字紹光 蘇州府 監生 試用

葉理焯 字景秋 蘇州府 監生 試用

封贈

明

顧諫 字備父 蘇州府 監生 試用

李學孟 字自華 蘇州府 監生 試用

顧態 際明寺父贈光

支祿 州大府推官封泉

徐養蒙 吏石部尙書贈

徐聞韶 贈石麒上父

國朝

王時杰 化容府同贈與

王任相 文長林父贈

顧朝樞 大夫刑部郎中政

楊之煥 賜縣標父贈

李剡 禮縣宗父贈

沈亮 賜縣父贈

沈志高 辰垣院侍讀學士

許纘芳 渭父贈大湖石門院侍讀學士

楊豫 爾德林院編修

顧烱中 光州知州贈

顧秉堅 贈心上父

金麒 田縣知縣贈

程浩 四亮司員贈外郎部

沈汝雄 郎業父贈縣教諭

尤以匡 營父贈安

許涓 王猷父贈通奉大夫

浦之純 夫文河間府知府

婁榮近垣祖贈通議大夫

婁明聘近垣父贈同

曹奕雲復元父贈縣教諭

張正銓身浩父贈山陰縣訓導

陳華允興祚祖贈仙遊縣知縣

陳喆興祚父贈同

陳時經孝泳父贈通政司副使

陳華育培父贈通政司副使

陳泰孝泳父贈通政司副使

王圖洛松喬父贈郎

程士聖雄飛祖贈員外郎

封按婁志又作明聘今莫考仍之

程雄飛鍾彥祖贈翰林院編修

程緒祖鍾彥父封中憲大夫禮科給事中

孫瑤枝王綸祖贈嚴州府教授

孫灼王綸父贈同

謝元一肅曾祖贈光祿大夫

謝春芳肅祖贈

謝永輝肅父贈

謝煜肅伯父贈吏部郎

謝均肅兄贈奉政大夫刑部郎

許鏞椿祖贈內江縣知縣

許經椿父贈同

許霖 鄉叔知縣贈武

王松喬 祖輝父封登仕郎塔

蔡廷正 大以臺翰林院修撰

蔡維熊 封以臺上父

蔡廉 安以堂訓導

汪成杰 塘父贈漢

陳廷聰 議社大贈通

陳啓昂 同祁父贈

沈源德 步垣監御史

沈映暉 京步垣道監御史

沈應榴 畿步垣伯地贈京

程亮祖 廣維岳祖地贈湖

程國珍 贈維岳上父

程國祥 贈維岳上父

顧惟上 儀徵縣知縣贈

顧夢賚 贈曰蠟上父

王錫旦 憲啓焜夫副川東贈道中

王宏澤 贈啓焜上

王象昇 贈啓焜上

費桓 贈啓焜上

費琦 鼎縣知縣贈福

吳梓禮 城燦父贈奉直大夫書

吳燿 內書城中書地贈

吳燦 中書城大父贈

陳禮 凌雲微祖知縣贈

陳振 永甯微嗣州知州贈

陳廷玉 贈同徵上父

許廷燦 樓世培父贈石

錢森 郎富陽縣知縣贈

顧書容 當塗縣知縣贈

顧人文 封同葵上父

陳朝柱 奉直大父贈

陳秉元 同賜父贈

陳秉浩 修職郎父封

沈承燿 宿日鎮父訓導

謝坤 布政司父贈山東

蔡以城 分水敏父地贈

葉永德 郎麟陽父贈文縣林

王芝 山士升父贈蕭

程鍾孝 梁縣知父封浮

程鍾萬 陝西泰父封刑部

顧之芳 履恆父封

王熠 文大均父封

蔡學易 傳場聲父贈伍

王輝 郎修地父封縣丞

程廷澍 郎文廕父贈文林

陳謨 大夫涿州贈中憲

陳繼緒 贈大溶父

陳方琦 奉鴻塢大封

黃春暉 世燦州父判

謝應鏘 晉澄父贈甯

蔡孔成 郎佩章父封巡檢

張士高 登塘父贈

沈錫田 儒昌浩父贈

王文照 昌錫祺父封新

許文鑑 奉辰珠父贈

許德濱 郎辰珠父封大職

郁柏城 郎岷江州贈肅林

郁道銘 封岷江父

謝萬鍾 奉仁溥父贈

陳景蕃 中憲大贈

陳縉書 同垣父贈

畢呂卿 奉廷榮大贈

畢樹基 贈同榮父

姚燦 奉有銓祖大贈

姚朝達 封有銓上父

陳世鈺 陸芝祥外祖地贈奉
政大夫翰林院編修

姚朝奎 錫綸父封奉直夫
祖贈中憲大夫乍浦同知

姚鑑 錫綸兄地贈
奉直大夫

郁道銓 宗蕃祖地贈
奉政大夫

郁以澐 宗蕃上父

葉亦琛 世驍父封修職
郎山縣教諭

葉奕良 理澄祖地
贈理澄林郎

葉世瑜 封理澄上父

張士鑑 奉林祖地贈
直大夫

張慶溶 奉林上父贈

陸誠埔 慈祥父贈
奉直大夫

程樞 以壇祖地贈
奉政大夫

程世焜 以壇上父

張德星 文淮祖地
贈儒林郎

張鈞 文淮上父

黃廷璋 福恩祖地
贈福儒林郎

黃熙 福恩父贈同上文
祖地贈朝議大夫

黃福清 文鎬父贈
朝議大夫

蔡汝礪 錫增父贈修職
郎國子監典簿

陳鏞 承忠祖贈儒
林郎同銜

陳楷 承忠上父

陳家珍 潮祖贈奉政大夫同知銜

陳鴻基 潮上父贈

姚錫綸 文清父封承德郎兵部司務

姚 墀 文清伯祖地贈承

姚文渭 文清兄地

姚有錚 文清父封

姚有鏞 文清叔

鄒永年 宗勳夫祖地贈奉

鄒承鏞 宗勳父

陳治心 銓後補贈

陳治均 銓祖

陳宗城 銓衡嗣父

陳宗儀 銓衡上父

葉世熊 直隸州同知大夫

葉理誠 林郎揀選知縣文

沈金爵 廷楨祖地

沈守濂 廷楨上父

李 珍 常瀛祖贈

李 鑑 常瀛上父

許廷煥 王謨字雪耕以父任宜賓令築雷

許世塘 王猷孫乾隆元職監

世廕

許煌 令樁子字難樞民以父任內縣知縣

許基 樁孫字岳如乾隆五十七年追卹恩騎尉

許承澤 基孫承字寬夫道光三年承襲恩騎尉

許秉樞 基曾孫字伯成同治七年承襲恩騎尉

顧寅生 煥嗣子字仲賢以嗣父廩生殉難恩騎尉同治七年承襲

沈榮 瀛佐嗣子字馨山以嗣父承襲恩騎尉同治十三年承襲

蔡忠揚 濟縣知縣字提三以父前湖南廣濟縣知縣殉難恩騎尉

吳炳 汝侗子以父生員殉難恩騎尉

陳國治 銓藻子字佐平以父承襲恩騎尉光緒七年承襲

程熙福 文榮子字又村以父承襲恩騎尉光緒十年承襲

程以壇 世焜子字毅以父從九承襲恩騎尉光緒十三年承襲

許賡勳 基元孫字作霖光緒十四年承襲恩騎尉

程寶鑄 世焜孫字桐軒光緒三十年承襲恩騎尉

職官附

陳青 元時任風涇驛站官見松江府志

荆彥清 明洪武間任風涇鎮大使見嘉興府志

主簿 管河主簿署中 國朝乾隆六年始移駐楓涇鎮

曹廷基 字紫岱江西南元人監生雍正六年任

熊安 江借補主簿人乾隆七年授縣丞西泰興人

張鼎新 江隆八年任人

呂明 湖北應城人拔貢乾隆十年任

孫俊奇 應城人乾隆十年任

廖相璋 江西崇義人 增監生 乾隆二十一年任

何士錫 漢軍鑲黃旗人 監生 乾隆二十六年任

崔治 直隸定州人 吏員 乾隆二十八年任

劉廷榆 福建浦城人 乾隆二十八年任

溫頌 廣東德慶人 乾隆二十六年任

亢鳳鳴 山西崞縣人 貢生 乾隆二十四年任

溫頌 年病痊復任 乾隆二十四年任

張椿 江蘇如皋人 貢生 乾隆二十四年任

成履觀 山西文水人 乾隆二十四年任

鄭喬年 乾隆二十四年任

楊毓蓮 貴州桐梓人 貢生 乾隆二十四年任

黃浩 江蘇長洲人 議敘 乾隆二十四年任

孫熙祖 湖南善化人 嘉慶十七年任

齊先裕 陝西人 議敘 乾隆二十四年任

唐允模 安徽當塗人 監生 乾隆二十四年任

李楨 棟光直隸人 監生 乾隆二十四年任

徐廣緒 字容江 蘇州人 監生 乾隆二十四年任

徐士珪 字如江 蘇州人 監生 乾隆二十四年任

張學廣 字孟如 蘇州人 監生 乾隆二十四年任

秦繩武 字豐生 蘇州人 監生 乾隆二十四年任

張庭萱 字樹堂 蘇州人 監生 乾隆二十四年任

周學濂 字友蓮 江蘇丹陽人 同治八年任 十三年調去

廖宇慶 字再卿 江蘇華亭人 監生 光緒元年署任

周學濂 光緒二年復任

吳廣熙 字鴻江 福建侯官人 光緒四年任 有傳

阮惟勤 字仲補 江蘇人 光緒八年任 賢去 有附貢

江應銓 字欽泉 江蘇儀徵人 光緒二十三年任 安

高登瀛 字長樂 光緒九年署任

曹鑑清 字芝江 常熟人 光緒九年署任

陸恕 字仁江 蘇州人 光緒九年署任

許恩壽 字伯欣 湖北人 光緒九年署任

巡檢 小徵司巡檢署明時在小蒸鎮以是年為始

項道美 順治十三年任

張承摺 順治十三年任

金永澄 順治十三年任

王愛卿 順治十三年任

王隆經 順治十三年任

章昉 順治十三年任

馬章豫 順治十三年任

王大化 順治十三年任

張大鼎 順治十三年任

胡文博 順治十三年任

金永旭 頂天大興六年吏員

蕭建業 陝西華州人吏員

蕭瀛 直隸承德人吏員雍正九年任

章射基 順天宛平人吏員乾隆元年任

杜世登 廣西臨桂人吏員乾隆八年任

馮建邦 浙江義烏人供事乾隆九年夏去

唐宇襄 安徽含山人乾隆二十年任

劉萬選 直隸易州人監生乾隆十四年任

蔣宏孝 順天大興人供事乾隆三十年任

蕭兆基 湖北漢陽人吏員乾隆三十年任

李守默 山東惠民人附生乾隆四十七年任

次朝佐 廣東嘉慶人監生乾隆五十年任

萬思誠 湖北武岡人監生乾隆五十二年任

朱豐 浙江嘉慶人

成其謀 四川人傳光三年任

潘金 浙江嘉慶人

程德滋 湖北天門人傳光十五年任

方鴻猷 安徽桐城人議

童復 道字茂園浙江山陰人

海保 漢軍人道光

沈孝任 字莘農河南新鄭人咸豐五年任

胡寶 順天大興人咸豐十年任

黃 鉉 江西南浮梁人咸豐十年十一月任

呂廷宰 安徽旌德人同治元年七月任

吳念曾 浙江會稽人同治元年十月任

沈孝任 同治二年復去

蔣錫章 浙江烏程人監生同治八年署任

王育燕 河南汝州人監生同治九年任

張寶澍 字申甫 浙江烏程人同治十年署任

沈大鈞 字振甫 浙江山陰人同治十一年任

王 溶 字幼懷 浙江錢塘人同治十二年任

方受鈞 字子怡 浙江嘉興人同治元年署任

吳對階 字鯉門 河南固始人同治元年任

趙啓運 字星疇 浙江紹興人光緒五年任

吳對階 光緒六年復任

壽宗耀 字輝庵 光緒十年署任

吳對階 光緒十五年復去

潘明發 字晚峯 安徽阜陽人光緒二十年署任

丁憲顏 字懷甯 光緒二十年署任

吳恩福 字子丹 浙江仁和人署任

王壽峯 字棟孫 福建長樂人監生光緒二十年署任

沈久新 字恆齋 浙江山陰人署任

王 棟 字西園 浙江會稽人署任

汪鳳翱 字友竹 安徽旌德人署任

續修楓涇小志卷五

志人物

里人程兼善達青重纂

列傳

上

唐

陸贄字敬輿建中時進士歷官中書侍郎同平章事班宏判度
支卒官贄薦李巽帝漫許之而自用裴延齡贄上書苦諫帝
不擇竟以太子賓客罷延齡揣帝意讒短百緒帝遂發怒貶
忠州別駕順宗立召還詔未至卒贈兵部尚書諡曰宣始贄
入翰林年尙少天子常以輩行呼而不名在奉天朝夕進見
帝倚重尤至雖外有宰輔主大議贄輒居中參議可否時號
內相李抱真入朝爲帝言陛下在奉天山南時敕令至山東

士卒聞者皆感泣思奮臣是時知賊不足平議者謂興元戡
難功雖瓜牙宣力蓋贊與有助焉及輔政所言皆懇到深切
或規其太過對曰吾上不負天子下不負所學違問他乎既
放荒遠常闔戶祇爲古今集驗方五十篇示鄉人云 國朝

道光六年崇祀

文朝

新舊唐書參松嘉
兩府志及善志

陸辰字祥文贊族孫光啓二年進士官翰林學士中書舍人工
屬詞同僚不及昭宗嘗作賦詔左右皆和辰最先就帝覽之
歎曰貞元時陸贄吳通玄兄弟善內廷文書後無繼者今朕
得之累爲尙書左丞封嘉興縣男徙戶部侍郎同中書門下
平章事覃王以兵伐鳳翔辰極諫帝責辰阻撓貶硤州刺史
師果敗車駕出幸洎還宮復拜中書侍郎同平章事封吳郡

開國公從遷洛柳燦附朱全忠謀去朝廷之衣冠有望者貶

辰司戶參軍被害於白馬驛

唐書本傳從
善志補入

宋

陳舜俞字令舉慶厯六年進士又舉制科第一熙甯三年以屯
田員外郎知山陰縣詔俟代還試館職舜俞辭曰爵祿名器
砥礪多士宜示以至誠烏可要期如付劑契繳中書帖上之
青苗法行舜俞不奉令上疏詆之其略曰天下之有常平非
能人人計口授餉但權穀價貴賤之柄使積貯者不得深藏
以邀利耳今散爲青苗惟恐不盡萬一饑饉洊至必有乘時
貴糶者將何法以制之官制既放錢取息富室藏鱗坐待鄰
里逋欠之時田宅妻孥隨欲而得豈不爲兼并利哉且使我

民歲輸息錢是別為一賦以徹海內非王政也疏上謫監南
康鹽酒稅棄官隱居白牛村跨犢往來自號白牛居士蘇軾
稱其學術才能兼百人之器其卒也為文祭之著有都官集

廬山記

宋史本傳參柳峯先
實錄見府縣各志

許克昌字上達紹興三十年舉進士第一以有官改第二累官
右正言時松江新涇塘為海潮衝突鹹水內灌延及嘉湖二
境克昌請於朝移堰入運港以避潮勢由是三州之田獲免

鹹潮之患鄉邦德之

松江府志
並見善志

婁機字彥發乾道二年進士授鹽官尉含山主簿七攝鄰邑率
以治績聞遷太常博士秘書郎時太子始就外傅以機兼資
善堂小學教授機日呈正言正道又以累朝事親修身治國

愛民四事手書以獻隨事開明多所裨益擢監察御史韓侂
胄議開邊機極口沮之謂恢復之名非不美今士卒驕逸財
力未裕萬一兵連禍結久而不解奈何侂胄不悅遷右正言
進太常少卿兼權中書舍人詔遣宣諭荆襄機昌言曰使往
慰安人情則可必欲開邊啓釁有死而已不能從也泗州捷
聞愈增憂危且曰若自此成功以摠列聖之宿憤老臣雖死
亦幸但恐進銳退速禍愈深耳遂以言去侂胄誅召為吏部
侍郎兼太子左庶子還朝言權臣以私意橫生敗國殄民今
當行以至公又言兩淮招集敢勇若非繩以紀律課其勤惰
必為後害遷禮部尚書擢同知樞密院事當干戈甫定信使
往來之始機彌縫裨贊實多尤惜名器守法度進退人物直

言可否不市私恩不避嫌怨數上章告老以資政殿學士提

舉洞霄宮卒贈金紫光祿大夫加贈特進

宋史本傳
見善志

顧演才字萬六陳黃門侍郎野王後宋季爲華亭尉有惠政徙居風涇子孫繁衍子福字福一敦友于讓產與弟

殷澄字公源家富好施每雨雪必載薪米救寒餒又置棺槽濟人人稱殷佛子澄性介特生平無宿諾宋末避兵南錢元兵入華亭澄猶保聚未下元將忿欲屠之澄詣軍門言民猶水也水順則流逆則激民順則從逆則亂今不廣好生之德欲盡剿斯民乎元將怒手劍叱之澄厲聲曰殺我一人活數千萬人死猶生也辭氣益壯元將感悟乃止丞相伯顏聞而義之授華亭軍民都總管辭曰大宋之亡我以親故不與俱亡

乃獨不可逸乎遂野服放浪九峯三泖間稱泖南浪翁云

善志

元

顧實字仲二性樸厚美鬚髯當元中葉郡縣迫之仕自跛其足以辭子希逸克承先志自號真隱

戴光遠字君實爲白牛鎮巨族父暘谷規創義塾未竟後二十一年光遠繼其業辟鎮東地三十畝建學舍四十五楹聚生徒

百五十輩延慈溪黃伯成以主之金華黃潛有記

見善志
兩志

王文澤字伯雨家風涇後遷上海祖大言父京並有名譽文澤學尤富凡有作不肯蹈襲前人一語所交多當世名人累舉不第爲府學訓導卒所著有尙書制度圖纂三卷自立齋詩文十卷子默字子章身長八尺美鬚髯善談論少任俠多藝

術弱冠折節讀書書法趙孟頫行筆甚捷徵至京書金字釋

典擬官翰林力辭歸性孝父歿盡鬻書買山以葬子基洪武

中舉孝廉為潞州判官

通志參妻志

錢應庚字南金元末孝廉隱居茜涇邵復孺寄詩曰美人只在

寒雲外破屋依然谷水西可見其大概

善志

黃魯德軼其名諸生有詩名兼善鍼灸無子門人徐中傳其學

邑中古蹟多有題詠

善志參魏塘詩陳

王仁本字樂山元末避寇來鎮遂家焉慷慨好義不吝濟施圓

明橋其獨建也

采入嘉府志

顧深字淵白元季入京獻燕都賦不得志歸晚年領教岳陽同

時錢大有字明遠工詩楊鐵崖稱其善學

善志

明

王宗達字佚父富一仕元為鹽法官因胥戴光遠創義塾來助

教事遂家風涇宗達扈從明太祖有功績贈迪功郎著有蘆

中集

沈得四華亭人洪武十一年祖母張遭疾得四割股食之即愈

久之祖父病得四又取肝作湯以進隨飲而瘳有司上其事

下詔旌之仍徵授太常寺贊禮郎其後有鈞者少喪偶不娶

人稱義夫有司旌之崇禎癸未進士泓龍其後也

松府志

王嘉會字原禮少博洽負俊聲元末素舉不第乃客淞江為人

溫醇和緩後進樂就上海令康伯愚見其詩詞敦雅敬禮之

引為上賓洪武初詔舉明經嘉會應聘至京賦詩稱旨授翰

林院檢討擢國子監司業時太學諸生常數千人嘉會與祭

酒宋訥嚴立學規終日危坐講解無虛晷以老疾請優詔留

之年八十卒於官賻卹甚厚

分省人物考參
大清一統志

顧元孫字子俊幼爲張貞母所撫孝友和順卓有行誼子璘字

宣晚性敏深於易筮星數之學出贅陸氏陸亦里之巨姓璘

代其長鄉稅竭貲應官家日以窘

王達字公路少游郡庠永樂甲午舉於鄉仍卒業太學竭選得

襄陽衛經歷未赴任歸授徒自給工詩詞著有管窺集雲溪

逸稿南溪吟稿梓以行世

嘉府志
參善志

干璠霸州籍正統壬戌進士由給練出守襄陽建學輯兵才識

英偉歷官陝西左布政使

曹小
志

支茂字宗衍幼孤弟榮甫三歲茂遵父遺命不析居異財貢吏

部授樂安丞奉府督租有王某貧欲鬻女以償茂代輸之年

五十無子有良民被誣陷獄茂矜而直之及出獄攜艾妻以

謝茂卻走避之夜夢神謂曰汝有陰德天錫爾後明年子立

生

善
志

顧琮字宗玉號樵雲好善樂施詔旌義民子文昱字怡松天恆

孝友父年高與弟同構怡養堂奉養之景泰時輸粟五百石

佐河防費賜冠帶文昂字怡筠郡庠生歲饑賑粟施棺焚券

捐逋晚年治地得錢鑿井築亭覆之以便行汲

嘉府志
並善志

支立字可與正統甲子以春秋魁鄉薦官翰林院孔目時人號

爲支五經事母以孝聞務敦本爲己之學詩文皆有闢世教

子高以歲貢官興濟教諭孫大綸有傳

浙江通志參兩浙名賢錄

李萼字春園年十三游庠景泰庚午歲貢授長垣縣丞慷慨有大志居家尚禮義子敞字汝高庠生性剛直為鄉里所敬憚翁德威字慎節國學生景泰丙子歲歉出粟一千二百石以助賑臬司羅篋奏旌義官弟德禮因兄好施與析產時僅受四分之一

李學孟字醇卿號慕雲其先自隴西遷於華亭之楓涇鄉學孟為郁寵贅婿寵無子從容風使納妾妾有子遂謝去後郁子貧喪葬婚娶力任之待諸母王替嫂邱餽贈甚厚子自華既貴猶衣敝衣微逐里社至京師偶嘗珍羞輒歎曰吾故羹藜飯糗時有此耶以誠自華無忘上恩

嘉府志並善志

顧謹字夢萱文昱子倜儻好善善邑號字圩田窪下上官檄謹督修塘岸不數月而成請給冠帶以獎子奎字文元號可雲歲貢生官山東城武縣訓導賦性通敏工詩畫葺園結社與騷人墨客游詠其間終其身不慕榮利

顧諫字廷直文昂子善庠生苦志勵學屢試未售時同里周澤貧無進取資諫引之門下且俟助之及澤作解時諫亦擬中適權璫以他卷請遂被黜弟訓性孝友舉鄉飲大賓

王相字廷輔以貢拜蘄水丞遷黃梅知縣邑田無經界多兼井於巨室相首正之濬吠滄興水利歲潦得免於患御史上其事特加旌異旋移疾乞歸子紳字警庵以貢官光山教諭學宮密邇縣治時聞筆楚聲走告邑令請寬之令慮囚每語曰

本當痛責恐學中又欲驚慘故從寬諸生喻希學希仁孤貧力學資助膏火薪水以勉之俱成進士後遷平海衛教授

善志

顧備字可葵由吏部掾歷官曹州同知解任歸留心元學製藥

濟人弟傳字九槐官進賢縣丞母病乞歸破格予告後補上

海縣丞升九溪衛經歷以母老不赴嘉靖甲寅遭倭寇警兄

弟衣冠往諭以大義同遇害傳子誠心字汝化號思槐由國

學生歷官荊門州州判

嘉府志並善志

郁袞字九章改名天民居四北區郁家灣博極羣書於國家掌

故尤熟悉先後受邑令聘修邑志嘉靖壬午鄉試擬元以小

誤被黜益肆力於古文詞子敦易孫從儒俱有聲庠序

善志

陸申字天厚陸莊人宣公後裔父忤劉瑾繫獄申刺血奏冤獲

釋父歿於官扶柩歸服闋授楚府典儀時官僚惟貨惟威申

踰垣告變罪人斯得輿論高之歿祀書院五賢祠

志

翁鐸字文卿學國生考授新興知縣嘉靖乙卯倭夷騷擾總督

胡命鐸建敵樓於杉青閣鐸不吝己財集工役不旬日告成

胡公書額以旌之

顧儀字可貴歲貢生授金山衛教授邑無廩額儀請於上創善

堂分經課士數年間始有登解額者子口心字汝悅薦舉賢

良檄府書名旌善亭隆慶間縣尹史行鄉約禮聘為飲賓不

赴壽八十一

曹小志儀采入嘉府志

顧俸字應文訓子善庠生族弟某貧窘自鬻捐貲贖之託掌家

賦

費朝憲字懋仁號錦坡嘉靖甲子舉人建坊於郡西水寺前名曰貞元運際與同郡同年十七人勒名於其上記盛也朝憲性情豪宕不附勢希榮家素封有亭臺園囿花木之勝淡於仕進以優游泉石終

嘉府志

沈產字東里華亭貢生居風涇嘉靖中歲荒歉輸米五百斛助賑事聞朝廷嘉之詔賜七品冠帶

李稅字聯河早失怙恃兩兄以稅出贅錢氏產不與析期年仲兄亡稅泣曰遺孤在襁安問桑田躬耕自食子然字元實諸生舉鄉飲賓漕兌僉役有司輒諮以行刻字元晦亦舉鄉飲賓拮据恢父業嘗曰智仁勇三者缺一不可否則田舍翁耳然子嘉生舉人剡子振宗進士振宗有傳

善志

顧元定字靜夫歲貢生歷官南康府教授修葺學宮實力經營學使立石誌之及致仕歸差可自給以祖產讓弟人咸義之顧元龍字雲夫號白暘幼年艱苦自立叔一齋卒於官子幼不遠千里歸其櫬捐產一百五十畝爲義田以贍貧族

李自華字見亭嘉靖乙丑榜眼父學孟督楓涇郁氏生子命名自華以寓意自華善書法工古文歷官國子監司業早自引退嘗建關帝廟於羅星臺

王汝錄字惺泉善庠生嘉靖乙酉取儒士累舉不偶肆力文章人服其博洽

顧態字汝美性孝友父侯舉鄉飲賓樸茂謹愿不事生產態母卒父納婢婢挾父勢以凌態態事之益虔積館穀金置田百

餘畝與婢二子均析之父歿舉所遺悉以委弟而留婢養之
終身蔡學博嘗題曾閱選蹤冊以贈其他拒奔婦還遺金表
表大節無愧古賢由歲貢授涇縣訓導子際明孫朝樞俱有

傳

善志

顧道心字汝理傳子附監生官浦城主簿有惠政子梧芳附監
生嘗捐田十一畝爲義塚築牆立石以垂永久授上林苑署
丞陸廉州衛經歷及致仕縉紳餞送賦詩盈帙

郁應元字槐泉從學於從父袁研析典故嘉靖甲子舉於鄉計
偕遇歸有光邂逅結爲道義交謁選授黟縣令邑健訟溫言
勸諭訟日簡公餘吟詠自適有吏隱風著有北征草南游雜

編

善志

費朝寅字雲衢膽量過人好助善舉嘗選舉華亭公務糧長轉
運北都不辭勞瘁捨基地建圓通庵代人輸逋人咸目爲長
者

顧際明字良甫萬歷己丑進士隨選讀中秘書不善事鄉貴幾
爲所扼改雲南道御史有大帥輦暮夜金求援際明正色拒
之念兩太恭人春秋高遂請告歸蕭然公車之舊橐也丁艱
服闋復除河南道上言播酋應龍必叛一時有真御史之稱
既而應龍果叛隨奉命巡按粵西嘗劾戎政尙書張國彥等
俱愜輿論時言官方諍國本甚激神宗怒以他事詰臺省不
言遣斥三十餘人際明與焉熹宗踐阼有詔求舊陞太僕寺
少卿先是際明在臺巡視太僕洞悉馬政之弊至是益甚乃

刻意節省減費巨萬逆黨有觴厄者引疾歸置義田六百畝

以贍貧族

嘉府志 卷八 家傳

支大綸字心易號華萃萬歷甲戌進士試政西曹時江陵秉政進白燕紅蓮以爲瑞綸言於朝曰大臣不宜稱祥瑞啓侈心遷泉州司理時侍郎洪朝選失江陵意欲中以法乃爲書具陳天道人事不宜枉殺大臣以媚人遂罷官又七年推補江西藩幕遷奉新令復與上官不協掉首而還卒年七十有一門人私諡曰文介先生著有華萃集嘉隆編年史子如玉孫隆求俱有傳

善志

顧士宏字養純萬歷間捐地建常平倉從弟士遇字恆字性慷慨周卹鄉黨不待緩急來告故家亦中落子蘊玉字璞函持

躬謹厚人以是並重之

倪津字雲橋居九北區萬歷中遇水旱散粟施糜建午莊橋構菩提庵撫諸梵獨六十外連舉四子府縣以孝行請給冠帶

壽九十

浙江通志

葉宜春字明台歲貢生安貧樂道與世無爭子元美庠生克承父志放情詩酒著有格言雜語理學洞豁接踵陽明同里顧際明作記以表之

嘉府志

許應試字元甫號宇懷宋進士克昌從少游庠文筆高古督學蘇紫溪見其文嘆爲奇才首拔之及試牘達部尙書曹公又加稱賞一時文學士爭師事之如李奇珍奇玉輩以理學顯後以貢應廷試擢第四選諸暨訓導重修學宮陞景甯州教

諭旋擢廣東廉州府教授不赴歸而以園圃自娛著家箴八議八訓八款兩舉鄉飲賓子鼎宰鼎相皆孝友篤學時人比

三蘇焉

節李公柱撰傳府志歲貢作副車誤

李耿字春寰諸生游南雍不得志肆力為古文所交多名流輯家譜未竟姪從先搜訪成之從先庠生考授州同

王命召字躍溪諸生律身謹飭孝事二親友愛諸弟讀書石佛寺力培計元勳成進士終不望報著有華萼樓集

支如玉字德林萬厯庚子舉人官監丞後授涪川教諭葺學宮嚴課士厯陞刑部主事乞終養歸弟如增字小白博學能文

與京山李維楨華亭陳繼儒錫山鄒之麟為文字交嘗上書岳大司馬元聲指陳朝政五條又貽書賀吏部燦然謂駁永

陵之非既登崇禎庚午副榜作謝棘闈賦著有硯亭小品從

子琳字喬卿有敏才詩古文援筆立就錢相國延主庭塾卿

大夫咸率子弟問字焉

善志

葉允昇字萬山事父母能色養與人交然諾不欺子世榮字思

雲孝如其父好義贍貧人推長者

善志

陸道乾字子勉嘉靖甲辰歲饑以貲散宗人後以書生赴闕上書請復祭田兩兄早世割產卹其孤因宣公墓在忠州乞官

蜀府紀善刻有吳山漫稿置義田以贍貧族慷慨尚義有古

俠士風

善志

王時杰字百凡嘉會裔孫諸生少游魏忠節門詩文瀟灑在開元大厯間曹爾堪兄弟皆受其業子睿有傳

支允堅字子固如玉子性篤孝父病疽吮之嘔血幾斃嘗藥以
進及卒哀慟欲死喪葬大禮不讓二兄明季北白繁重應
者破家允堅上書當事陳北解十弊直指左光先服其言勒
石禁革閭里頌德

善志

李箱字允之號夢溪少習舉業隱居教授從游者幾徧兩浙恩
給冠帶散官卒年八十六

王問治字司平號漸山居涇南王家灣善庠生總角事舌耕從
者戶外屨滿積十餘年置產與弟均之士民稱孝友焉中表
盛貞所守岱獄聘以資翰墨及抵任所而盛病諸事咸屬代
理無一毫苟且既歸捐館囊橐蕭然

許鼎宰字伯升居許家埭郡庠生屢赴浙闈幾得復失者再以

例游南雍卒困鹽車聞母變奔喪會稽哭泣不止越中以孝
聞善治生產而錙銖不較友嘗匿多金心知不忍發叔氏
失明時以薪米贍之族中貧乏尤周卹備至子巢字爾雍少
穎敏年十二應童子試兩藝各千言郡邑傳誦十八游庠父
寢疾二載侍奉無或雖崇禎辛巳蝗災出粟施粥活數千人
國朝順治丙戌徵辟遺賢准首官例授知縣郡邑特薦固

辭不受

節顯
嘉府志
許莫傳見

王無逸字澹一善邑廩生善屬文常冠多士有神童名窮經爲
本著述甚多有刑商十則治統韻言行世嘗爲縉紳書記丁
清惠奏疏半屬無逸手筆弟無私字得一庠生才名與兄等
有嘯墨齋詩集

郁性善字承泉天性至孝父京病疽吮之立愈嗣父觸豪貴怒致遭冤獄性善千里白父冤跋涉成痼疾謂其子曰父母全而生我我以父故致疾天若有知自當復愈果瘳以孝行旌

表 國朝雍正四年祀忠義孝悌祠

善志參家傳

陸繼鉉字默如有文譽入浙闈不售天啓甲子改南雍司成得其文歎異拔冠一軍入闈又遭別歸未幾而歿

善志

顧朝樞字仲執天啓辛酉舉人肆力墳典華胄無綺靡習篤於倫理兄朝衡因性直失父歡朝樞周旋曲至歿祀孝義祠子

耿臣有傳於中沈潛力學兩中副車

善志

許鼎相字仲升號吉人稽古力學困童子試援例入國學與四方知名士結社白下文筆英銳連赴棘闈被放既還里出其

餘贊賙卹戚黨為衣襖以溫寒士煮粥糜以飽飢民歲丁丑為邑令李石守襄建鶴湖書院不一年而成其經營之力居

多焉

節夏長泰撰傳

戴叔遠字元述元義士光遠裔孫與同里孫文鋒善各以貢起家文鋒選昌化教諭病歸卒於家叔遠為象山學博聞文鋒死遽歸拜哭嘔血越旬餘卒

善志

戴季華字元樸鄉居嗜學游庠後挾筆墨遊四方詩以自然為宗年七十三卒著有鴻冥集悟往錄

魏塘詩陳

郁素字繪先才敏能文談言微中風骨類晉人受知於邑令吳道昌捐俸助膏火食餼後益肆力文詞竟不第

善志參家傳

李應文字鏡溪明季之亂隱居白牛卹敦品概足跡不入城市

子友桃亦讀書能文

善志

沈大化字龍岡官鴻臚寺序班立品端嚴嘗謂士大夫一舉一動皆當取法聖賢自省得失著功過格行世

李中璧字中嶼號崑良善庠生攻苦力學尤精易義嘗割股療母巡撫某獎以純孝高賢額讀書至老不衰崇禎壬午抱病走南畿試畢不能支卒於白下年七十二

王註字懷橘居石泉港幼賴長嫂撫育事之如母晚年遇有宣諷二十四孝者忽悲泣仆地衆驚訝有頃甦曰吾幼失怙恃無從酬罔極恩不禁感傷耳

李策字獻之性剛直里有不孝者策痛杖之後其人以盜陷策

宛轉得雪生平篤愛敬垂義方子孫克世守焉

嘉府志

郁期字幾先弟際字兆先皆性善子敦倫尙義調卹族黨崇禎庚辰歲饑出粟百石以濟貧民後患蝗施粥三月全活甚衆期以孝友旌 國朝雍正四年祀忠義孝悌祠

善志家傳參

徐鴻祚字儀仲文行優粹崇禎間應浙闈試己首薦而謄錄誤脫三場第五問遂不錄自是名益噪當事有重其文者屬典試冠浙榜適更名階闈中急索原名不可得相與扼腕先是洪承疇校士兩浙受知最深及洪經略三邊延入幕尋奏爲司理所陳籌邊數策皆按切時勢

徐維節撰城傳

顧穀字廷穀敦倫紀弟早世撫其子女如己出成立者六人王鶚薦字履貞奮志讀書不干勢利崇禎庚辰年六十以貢就試於廷感病未用辛巳夏蝗民飢邑宰以平糶事屬之日從

酷日中僕僕爲餓夫計觸暑致病泰然不悔

沈淀字通翁居高陽里博綜經籍爲復社前輩著有五經講義行世

王道隆字爾愚性孝弱冠代父輸糧京師甥某失怙恃撫之成立授以田宅爲妹夫沈翰通賦二百石親族待以舉火者數十家崇禎辛巳蝗災捐賑米三百石復倡義平糶出私錢募人捕蝗邑令旌其門子國珍有傳

浙江通志

沈履道字洪字貢生隱居不仕足跡不入城市者三十年與弟心虹尤友愛子國柱字祖雲精通文義明季館湖上桃李盈門時人奉爲宗匠父歿盧墓以居不復還故宅

徐石麒字寶摩楊林村人青浦籍天啓二年進士授工部營繕

主事黃尊素坐忤忠賢下獄石麒爲盡力忠賢怒執新城侯王昇子下獄令誣賄石麒勒完贖而削其籍崇政二年起南京禮部主事遷考功郎中八年佐尙書鄭三俊京察澄汰至公歷尙寶卿應天府丞十一年春入賀時三俊爲刑部尙書得罪石麒疏救釋之官南京十餘年至是始入爲左通政累遷光祿卿通政使十五年擢刑部右侍郎會推閣臣石麒與焉召對便殿時帝以刑馭下法官引律大抵深文附會予重比石麒奉命清獄推明律意校正今斷獄之不合於律者十餘章先以白同官以次審理十三司囚多寬減然廉公一時大法赫然無敢倖免者兵部尙書陳新甲下獄朝士多營救石麒持之新甲棄市劉宗周以救姜塚熊開元獲譴石麒再

疏留不納移刑部定罪石麒擬開元贖徒塚謫戍不復鞠訊
帝大怒落職閒住福王監國召拜右都御史未任改吏部尙
書奏陳省庶官慎破格行久任重名器嚴起廢明保舉出御
史黃耳鼎給事中陸朗於外朗賄奄人得留用石麒發其罪
朗憤詆石麒石麒稱疾乞休去後以登極恩加太子太保明
年南都亡石麒時居郡城外城將破石麒曰吾大臣也城亡
與亡復入居城中朝服自縊死明史本傳國朝乾隆年謚忠懿
孟重德字尊素號浩宇亞聖六十一世孫幼孤好讀書以歲貢
就試見魏忠節被逮絕意仕進子春先嘉府廩生入貢授司
訓不就後居城西南隅衡木爲門學者稱衡門先生春祥篔
瓢自樂有古人風春和有傳孟氏南支譜采入嘉府志

沈泓字臨秋號晦庵崇禎十六年進士生五月父歿母宋年二

十三守節撫之甫離襁授以孝經即成誦六歲習字臨父手
書持母痛哭人稱爲孝旣長遭母喪撫棺慟哭不止感動鄰
里後舉於鄉即陳母苦節力營旌表建完節坊旣成進士應
選推官還里旋聞國變攀墓柏自縊鄉人救免後南都權貴
貽書相招不就曰吾君親兩負求死不得惟有祝髮空門或
可自靖耳遂投雪嶠婁志作惟岑禪師緇染改名宏堅婁志堅作忍號

無寐小僕阿寅爲徒住會稽東山慶國寺輯東山志時涉雲
門叩雪嶠所得日深奔叔父喪盡哀而去後至松郡之梅谿
二子嚴廉泣勸之歸不許疾作絕醫藥而卒烈性至孝母亡
蔬食四載每冬至歲除必廬墓號泣人稱孝子云著有易憲

東山遺草渡江草懷謝軒詩集孫業舉人有傳

善志參

沈龍字友夔泓從弟與泓同榜進士有文名甲申後隱居不出
著有雪初詩稿陳眉公嘗評其詩曰如月痕孤秀石氣清寒
又如深山道士茹草餐芝高扇道風浩然冥寄詩品之高令
人仰止

見松風
餘韻

沈懋德字雲嵩幼失怙恃歲時致祭必飲泣兄性豪邁未析箸
罄生產勿較隱居不入城市課子孫誦讀歲饑倡議平糶有
負逋者以女償卻之焚其券輯有五倫坊表錄孫辰垣有傳
善志
許復兆字吉敷少穎慧時值明季絕意仕進敦行睦族人推長
者子世俊海陽縣丞孫鏞授州佐

孟應春字寅生亞聖六十二世孫其先世有良者自吳遷居孟
家堰子孫遂家焉應春以仁和籍登崇禎癸未進士第甲申
後謝絕人事杜門讀易自號天舍上人 國朝當道重其名
屢薦不起設帳課徒楊應標李振宗六七輩游其門並登高

第

孟氏南
支譜

沈基字靜淵世居歸安之竹墩崇禎癸未進士由翰林改兵部
主事後與大學士溫體仁意不合遂告養歸杜門不出絕口
不談時事逾年遭土寇之難遷居楓溪三月之變基聞耗後
居一小樓足不履地髮蓄不薙布衣蔬食以終其身及卒魏
允札爲撰傳并輓一聯云溪外煙波皆慘淡樓中風節獨孤
高蓋實紀也著有敲玉山房詩稿四卷桐陰書屋文稿三卷

烽火餘生草一卷

新補

國朝

沈志高字幼升諸生崇禎壬午赴省試值歲稔道饑相望目擊
慨傷傾囊以濟垂橐抵寓稱貸竣事順治辛卯壬辰歲大旱
所居查溪左右百餘家皆乏食出廩粟五百石貸之曰吾不
忍獨飽也家僅中人產遇疫癘則施糶遇饑則仿朱子社倉
爲廣仁會生平所折券以百計晚聯吟社與其徒各以其生
日放生以是鄉黨推善人世父歿無子爲營喪葬姊貧寡爲
撫弱甥邑中貧士及貧士之妻守節者歲賜之晚舉鄉飲賓
卒年七十一以子辰垣官編修 覃恩封如其官

浙江通志
參崔志姜

宸英撰行
狀新補

胡之遇松府庠生研窮經史著有詩義正傳通鑑提錄及門楊
應標陳培序而梓之

王任相字爾玉性孝友每日積籌紀善行里黨稱貸歲歉弗責
償更應之有鬻子者焚其券給以貲生平信義自持排解立
剖舉鄉飲賓歿祀孝義祠子辰有傳

善志

錢森字秋聲諸生性孝友善屬文名聲籍甚遇踐更之役念親
老弟幼運糧代解南都親歿廬墓三年悲慟不止遷入城課
徒課子以敦倫立品爲先舉鄉飲賓壽八十有二子元佑由
經魁歷官國子監監丞

善志

王誕錫字觀上善庠生少孤事節母能曲體親心戊子己丑歲
歉平糶米百餘石施襖與惟累年不倦遵母命也建太原橋

以利跋涉子學洙入太學以孝謹聞

善志

孟春和字穎儒諸生母徐早喪以亂故不知厝所稍長涕泣不已有老嫗自遠歸謂之曰吾子言汝母殯椿樹下顧從軍去十年矣春和詢知其狀貌歷四方求之數載遇於泉州偕歸指殯所恐傷遺骸以手代鋤十指流血檢一齒不獲哀號籲天齒忽自泥出獲全葬父歿廬墓三年隆冬不忍去染哮喘症

卒年六十子學中有傳

浙江通志

許果字曙光嘉郡廩生少勤學有孝行數舉不第以恩例考授州司馬氣岸甚高動必以禮其志節有古人風歲收田租萬斛貧民乞貸者悉出以應至秋成則薄其息以收之弗能償者不問也置祭田贍宗族人咸以長者目之

參家傳

曹煥字舒光號冷民有隱德弱冠遭世難棄諸生由干巷徙居

風涇當事聞其賢每就訪利弊煥目擊踐更累條均役均田議上之推恩及物無間親疏曾雪夜船行遇覆舟夫婦力救之得免又解衣衣之終不告以姓氏晚勤著作兼工醫理平生環堵蕭然好古不倦詩得陶謝風味與孫執升栢斯民時號三高士著有嶺雲集歸來草鈍留齋集竹窗雜著醫學正宗

浙江通志參曹小志

楊應標字勝林號南城明大學士士奇後裔順治乙未進士授甯國府推官理訟多所平反丁艱服闋補溧陽令凡征輸按田均辦漕弊以清未幾歸復援新例選鄆陵令會大兵進剿滇黔汴梁爲蓄牧之地應標豫期儲備絕無騷擾故軍務

理而民不累擢雲南劍川州知州引疾歸杜門謝客著有永

思堂集子恆孫方岳雍正癸卯同榜舉人恆官柳城知縣孫

爾德有傳 善志參
行述

王睿字聖若副貢官興化同知興利剔奸時海禁甚嚴出界捕

魚論死原情平反全活者衆己酉受卷外簾佳文遠式者校

讐改正得售者因執師生禮睿詩文穩秀著有曠期堂集 善志

顧向字羊舌號藐千穎敏絕倫年十三以冠軍游庠弱冠登順

治辛卯賢書授蘆山令其地荒遠生熟蠻雜處最難治向抵

任清田賦釋賠累集流亡葺城郭勸農宣教實心撫綏諸蠻

誠服民亦安輯解組歸囊橐蕭然事親盡孝處鄉黨殷懷樂

善子鼎升鼎恆至性肫篤恆有傳 善志

孫琮字執升性孝友兄因累毀家琮筆耕贍邁親親亡獨營喪

葬仍養其兄至老以名諸生早自高隱所居山曉閣藏書萬

卷手不停披每選訂一書輒不脛而走晚歲放迹名山笠屐

所經每多題詠著有山曉閣詩文集子式彭字海屋諸生亦

能詩通今古門下最盛趙金簡其高弟也孫紹邁字庭儼耽

吟詠著有三友齋詩集 善志參
曹小志

柏古字斯民自號雪耘老人諸生工詩古文每持筆視適野恍

若有得揮灑成篇知天文嘗駕小舟泛白牛蕩問所事曰看

晚霞耳夜即臥視星象漏盡方寢性好游嘗寓西湖一日冒

雨戴笠上北高峰頂引領四望衫履淋漓見者笑爲癡意愈

自得有句云吳山越水須游徧寒食重陽不在家可想見其

胸襟矣書法南宮畫宗小米著有芋栗吟寄魚草子立本見

藝術傳

妻志參
今世說

顧颺字宣遠號滄雲善庠生好讀書凡宗黨事竭力維護置田以奉祠祀著有得間學草

郁輝字闇卿家庭雍睦與季弟同爨者五十年課子弟懇切其鄰張瑚字九逸幼失怙恃葬親盡禮祭祀必誠舉鄉飲賓與

輝友善

喜志

施達字儀吉候選州同事親以色養聞與兄友愛無間重然諾好施與贍族睦鄰晚年屏絕塵囂手不釋卷壽七十八

善志

錢諒臣字逸宣諸生篤學工詩與孫琮為詩友善岐黃術精六壬書法遒勁著有霽堂詩草子元澄亦名醫同時任星客字

右宸以老諸生善屬文兼繪蘭蔡鴻達字去聞工行楷悉為

藝苑所稱

善志

顧耿臣字奕聞際明孫順治戊戌進士知鄆州有劇賊投誠安插得宜擢戶曹已酉典貴州試尋督權蕪湖秩滿知大名府有某相國子弟恃勢占民田多至五百餘頃有司莫敢詰耿臣不避威燄給還民當三藩叛愚民煽亂止罪首魁餘盡釋有投吳逆檄文誣陷富紳者耿臣火之監司力索不得乃已以軍餉墾荒功加從一品服子正域字坦公博綜經史制義有隆萬風格勤墉字既垣考授國子監典簿兩任靈璧東安知縣書法頡頏晉唐以兩耳重聽解組歸秉均有傳

善志參
家傳

支隆求字武侯與兄景良弟揆英遵范皆如增子淵源家學聲

稱藉甚大江以南詩壇文會首推四支求舉順治庚子第二
授遂安教諭衡文勗行丁卯聘校閩闈稱得人擢山東沂水
令多惠績致政歸著書講學後進仰如山斗舉鄉飲賓壽八
十有四著有泊庵集教育遵范子女靖登賢書志善
王辰字天市號餘庵順治庚子舉人授吉水知縣戊午江西同
考官左遷保定府經歷工詩文與當湖陸清獻交契且結兒
女姻時魏塘沈火文博通經籍清獻聞其精於講貫偕辰往
聽之歸語辰曰吾悟其講法以曉暢爲主以從容爲貴傾動
後輩有以夫以清獻之賢而與辰莫逆則其品節概可知矣

曹小志采
入嘉府志

陳華育字雲從少失怙母吳復殉節每忌日必素服茹齋閉戶

悲泣自弱冠至七十有六哀慕無間迎養寡姊撫諸甥誨養
婚娶同己子負郭止數頃而節縮贏餘以贍三黨凡待以舉
火者數十家冬授衣夏給帳施棺施藥建育嬰堂橋梁道路
應修者無不捐貲修築公舉鄉賢崇祀以子培貴贈文林郎

通志

程士聖字化修新安人年十五奔喪至皖城扶祖櫬歸鄉里稱
異後徙居楓涇家日起平生豪俠好義子十二人皆誦詩習
禮不忝家聲孫曾科第相繼志善

程士文字煥然監生讀書明大義值三藩叛飭採木督造戰艦
暗費千金遇里黨雀角事輒破囊解紛病者施藥死者助棺
嘗建塔白牛蕩側收瘞暴骨當事給德及重泉額采入嘉
府志

陳華允字克讓少孤性孝友好讀書不隨流俗訓子孫有義方
生平好施與弟華美字開文年十三遭父喪擗踊如成人母

年既高常作斑衣舞以娛之

善志參家乘

李振宗字欲仙康熙甲辰進士補蘄水知縣以卓異內陞歷任

部郎授平涼同知政寬訟簡士民樂業以勞瘁卒於官子允

符康熙癸酉舉人授什邡令有惠政擢江南道監察御史

善志

王國珍字席之九歲能文年十八食餼己卯卷己入彀因同考

爭元不售結社文壇名士畢集與潘炳孚顧巖輩為性命交

負才早世所著有南雅堂詩文集子鉉辛酉舉人

善志

支紹昌字克齋如玉孫舞勺游庠踰強仕即高尚老屋數椽繪

二鶴於門禁足不出垂四十年觴詠花間安貧自得至如磨

寡姊鞠髻弟撫孤姪與兄紹熹怡怡白首蓋友愛其天性也

兩推鄉飲賓皆堅辭之壽八十談笑而逝姪式圍字楚良敦

倫紀晚入成均

善志

費有度字叔度孝養父母友愛兄弟惠施宗黨居恆誨人不倦

犯而不校有古君子風督學張希良旌以賢孝流芳額子升

俊字旦揚號論齋嘉府庠生恩賜八品頂戴勤詩書篤孝

友建宗祠輯譜牒恤孤濟困置田以供祠祀嘉言懿行難悉

數焉

沈宗敬撰傳

支宏化字寅臣負經濟才游粵東麟使知其能延入幕擘畫悉

中窳要倜儻慷慨凡浙西客炎州者無不賴其噓植居贈資

斧歿營扶輿人皆以鮑子稱之

善志

顧鼎恆字輔華至性篤實父向令蘆山歸恆以脩脯奉養雖甚

缺乏甘旨必備不令親知也兄弟同居雍睦處鄉黨樂行善

事子洪憲貢生孫樹本俱敦氣誼重然諾克振家聲善志

李葵生字西雯通經史百家為古今文下筆立就與同學胡應

宸顧璟芳善同輯聲遠策論蘭皋詞風行宇內應宸字殿陳

貢生璟芳字宋梅諸生葵生著有四書存是編璟芳著容成

詩稿輯明詞彙選善志 魏

王國球字石昌諸生勵志讀書為文昌明典雅同社推重子錦

雯字銘在康熙戊午舉人肆力典籍與弟廷鸞屢躋春闈俱

卒於京著有雲緘詩存雲緘其別字也廷鸞字宸御康熙甲

子舉人天資穎異束髮受書目數行下為文踔厲風發如其

人節曹應毅沈丹槐各傳按前志廷鸞作兄鉞爰作身誤今從王氏家譜改正

費道成字永修善邑庠生考授州同知寬厚克己能容人所不

能容忍人所不能忍事繼母汪待幼弟道登曲盡心力施與

親族不倦處鄉黨間和氣迎人嘉善志

施肇嘉原名鑒字况清號容廬榜姓吳康熙丙午武科亞元會

試擬元大學士魏公欲抑置第二副主試以材不可屈甯舍

以有待後因親老不再試著有容廬詩文集弟肇麟字景韓

號茜園諸生勤學工詩著有閩游集輯魏里詩存

胡允滋字來修康熙丙午武舉人以父愛間適於後圃引流壘

石招戚友觴詠為娛篤志養親不赴公車撫幼弟瞻寡妹人

無間言著有詩奧及竹亭存稿子然字鳳州號季諾邑增生

能詩文著有深柳堂集

善志

沈業字聲垂拔貢生康熙乙卯舉人官常熟教諭工制藝理法精到刻有可幾三則行世

費道亨字會嘉隱居不仕閉戶讀書自號三泖漁人喜吟詠時得佳句如有道不干祿無錢難買山其志趣可見著有釣餘集

王國鼎字安九國學生少孤事母孝其姪廷相字端書亦誠樸有古風相與敦睦宗族周卹貧窮植歲饑設粥食餓夫至半月許當路嘉其義書額以旌其廬迎秀橋圯國鼎廷相共捐貲改建不煩閭里利涉者因呼為王家橋

善志

高標字懋村年十七父病禱於神剗臂肉和藥以進夢神賜父

壽一紀後果驗事母先意承志居鄉好施不倦舉鄉飲賓歿

祀孝弟祠子星遠孫珽俱諸生敦孝行不忝家風

善志

顏士偉字俊生鄉飲賓待人忠厚出於至性嘗於暮夜釋偷兒善言戒勸卒能自立他如建橋施棺利濟之事知無不為子經綱俱婁庠生經見藝術繪善庠生有傳

何業成字建三自新安遷居風涇幼即好學不屑屑於章句欲作五獄游以母老歸侍庭闈親沒廬墓終身茹素周濟戚黨好義不倦

善志

葉如珪字同稼敦崇孝友兄亡撫姪三人成立分產從厚珪能詩著有獄樵間唱子永成字揆文胸無冰炭蕭然有塵外姿

善詩歌著有清風士詩稿漪南書屋詩餘

善志
維城詩序

李雲鵬字松庵母范患目疾鵬以舌舐之五旬而愈力行善事

還遺金無德色

善志

陳原字遠岑婁廩生家貧力學以脩脯奉親待兄弟友愛彌篤
兄早世撫孤姪如己子遺產悉與姪生平惟嗜讀書研窮經
史著有四書述解姪興祚校梓以行

善志參家乘

王錫旦字庭植考授州同知性豪邁好施與雖多金不惜也康

熙時太守吳公議建鴛湖書院且傾囊輸助并董其事

善志

畢士彪字雨蒼婁庠生試輒高等有聲膠庠工吟詠書法在趙
董之間不自愛惜間有存者人寶貴之兄士龍士鵬俱有文

名

曹小志

陳培字用楫號立亭康熙丁巳舉人授高明令邑多水災策

岸低田得免患以恩信招撫盜魁地方以靖製 聖諭歌風

十六章使民吟誦秀頌均知大義在任十三年而卒當其歸

喪也老幼巷哭有送至嶺表者著有天南物產吟粵游吟

善志

王份字季隆康熙辛酉舉人攻苦力學時輩咸推服姪

節字 蕤

生與份同榜中式俱以篤行聞

善志

沈辰垣字紫翰少負雋才研窮經史康熙乙丑進士選庶吉士

甲戌會試同考官丙戌武闈總裁歷官翰林院侍讀學士在

館二十餘年纂修明史及續唐類函羣芳譜諸書又奉 敕

繙閱等韻標摘差誤謂吳興識四聲而不識七音失三韻之

原四聲爲經七音爲緯辨甚詳悉平生篤於桑梓凡親故入

都必授餐假館尤喜汲引後進丁亥引年乞休歿祀鄉賢子

銘慎明經任陳留令志

顧以恭字公安鄉飲賓事親孝讓遺產以贍弟姪復捐田以益義莊宗黨有急傾囊周卹不倦子惟祚字裕伯入婁庠幼喪母即能哭泣盡禮事繼母以孝聞父修輯家乘未成祚編纂刊之又好義戚族告貸無弗應折券不索償生平言笑不苟動必中禮善志

陳仁字元愷考授縣丞事親盡孝父華育病劇仁割股和藥以進遂獲愈能曲體親心事嫡母諸母孝敬備至翕然無間言喪葬盡哀盡禮待昆弟友愛甚篤周卹三黨不倦創育嬰堂全活無算淮揚飢民流離過鏡產婦得舍病者施藥給貲治臥具以遺遺歸凡利濟之事無不勇行善志家乘參

程雄飛字翼雲考授州同知敦孝友推誠接物壯遊四方名公卿折節下交居鄉力培後起惠逮姻黨舉鄉飲賓辭不赴壽八十五子輝祖考授州佐緒祖有傳靖祖官崖州吏目多善政植黎人未靖靖祖入洞善撫之州賴以安善志

浦之純字夔侯事親色養兼至親歿遺產悉讓弟而自營一室居楓涇少工舉業長而專心經世之學遊覽四方知交頗廣著有豫章吟粵游草子文焯貴贈如其官善

顧乃西字謀卓早失怙恃遊學江西寄籍贛縣由國學考授州同改官平湖縣丞工詩與朱彝尊善彝尊送歸詩見曝書亭集兄乃躬諸生性和易里有難決事得躬一言剖析無不心服

沈榮先字筠巖錢塘監生敦倫紀弟澍以遭誣陷獄力救得雪時通津橋圯人病涉輸千金重建更名仁壽里共德之

沈文先字思雲錢塘籍監生年弱冠以母廢弟幼棄書從賈家日起歲饑捐穀助賑縣令獎以額晚營生曠堪輿誇發貴辭曰但願子孫長有菜飯足矣壽八十二

顧翱字秋羽敦重倫紀里黨敬服康熙丙戌舉鄉飲大賓壽八十二子衡年十二游庠屢試不售後入監授州判讀書至老

不衰晚年能作古隸壽八十六翽前志誤作翽善從家乘改正

戴大用字聖萃事親色養盡禮出告反面未嘗有間親歿廬墓三年每風晨雨夕嘔血哀號不止後墓旁產靈芝數本人謂孝感所致又念罔極恩終身不茹葷酒族兄義英病中風大

用助薪米調藥餌支持三載歿經紀其喪姊適李早寡無子迎養以終生平持躬端謹然諾不苟建橋施粥濟貧救困樂善不倦子賓有傳容貢生宏州佐俱好學敦行克振家聲江浙

通志 善志 參

孟學中字心陶嘉府諸生為人誠篤廉介自持有升斗儲輒分濟窮困嘗館秀水曹侍郎溶家課諸孫得讀其藏書教人有程要數言庸醫殺人僅一身庸師誤人及數世深自兢惕著易解大義善志

陳泰字堯階事親孝兄弟間和而有禮善視三黨樂為善舉子廷聰字臨先事親先意承志母歿以哀毀卒孝泳有傳文煒字協君乾隆癸酉順天舉人為文戛戛獨造善志 家傳 參

王之圻字肇域善庠生博極羣書詩文超拔與四方名士交戶

外屢滿性坦易無欺語著有鶴鳴堂詩集

善志參
家乘

顧秉堅字雲一際明曾孫康熙丁卯舉人授會稽教諭修學校

置祭器必飭必備平生敦孝弟謹言行研精經史爲文高卓

每日講貫必以正心術立人品爲先歿祀名宦門人私謚端

毅著有經濟類苑八卷詩文集十二卷

善志參
家乘

金皋謝字應台事親至孝康熙戊辰進士授莆田令捐俸修築

蘭陂凡濱海之田得免水患又爲修輯邑乘請終養歸以孝

聞歿祀鄉賢祠

善志

程瑛字赤霞號瑤圃婁庠生好讀書材器奇偉弱冠即蜚聲庠

序交遊皆名宿數赴鄉闈不售遂遊燕趙齊晉間當路諸鉅

公咸虛席以待總河高公廷入幕相得甚歡器重之晚年歸
里栽花種竹賦詩自娛著有梅花集尙友齋集書法摹二王
兼精岐黃術

葉津字芬若元美子善庠生詩古文詞嘗贈衆人口著有高話
堂集雨前稿雪尺齋集溪上草

沈芳字升聞性孝友家貧凡養親喪葬皆獨任事兄嫂恩義備

至撫族姪教誨以成立之課諸子以孝弟相勗施糶賑饑利

濟甚衆嘗於妙常庵前拾遺金坐待還其人衆稱厚德

善志

陶爾穉字穎儒青浦籍少以詩文受知高文恪士奇與姜遴齊

名康熙辛未進士官葭州知州以病乞歸著有遵渚集鈔子

景炎字崇質工詩書隱居不仕

善志
兩志

沈廷杓字殿颺號嵩亭婁諸生天性好淡不樂繁靡好游山水
遠歷黃雲九華普陀諸境近及蘇杭興到處輒與山僧聯吟
唱和其在昭慶寺晤宜潔上人一聯云山好看殘摩詰畫景
多書盡薛濤箋人爭誦之著有雲西草堂詩集參家乘
新補

沈廷枚字用占工吟詠與前輩栢古孫琮及同社曹奕霞輩唱
和無間時高陽里城隍廟大堂衆議式廓廷枚捐資獨建著
有半庵詩草

張離字右文號鷗盟善邑諸生敦行好學構松鱗書屋爲娛親
計愉愉繞膝四十年置腴田以供祭祀復置義塚以葬族之
貧者邑有義舉見即勇爲所識窮乏者求無弗應又購陂池
數十畝爲放生河爲文記之子心培字遇黃歲貢生克承家

教力學工詩文孫正鑑有傳

陳志字爾士國學生十齡失怙承歡慰母遇忌辰流涕不止祖
塋在徽郡歲必跋涉往祭其在橫塘者久爲人侵削捐金重
葺建宗祠敦族誼善撫孤姪周卹窮困至性備焉子四俱游

庠入雍

善志

顧秉均字子宙善庠生九赴南北闈六薦不售工書法精律例
聲名藉甚遠近爭慕之

費大穗字萬育幼而岐嶷父患痰疾穗隨二兄侍湯藥少間輒
屏人禱天願以身代母微窺之憐其意勿之驚父尋愈明年
春穗忽咯血恐遺親憂不使人知而誦讀如故後漸不支母
知之曰兒年少事不三思若父病時汝每夜露禱云何天地

神明豈可誣哉驚曰母既知之兒何敢隱果以是死死且隕

矣不數日卒年十七節徐維城撰傳

沈融字岫青號北海泓曾孫六歲遭母喪哀動行路及長肆力

詩古文詞屢躋場屋事繼母能孝待諸父昆弟亦盡禮許王

猷為作孝子傳采入嘉志

陳禮字天敘生母早卒育於嫡母張故事張盡孝仲兄歿遺孤

孫二撫育教誨竭盡心力生平好施與樂善不倦善志

費士宏字咸臨善庠生幼警悟舞勺通文出應童子試冠軍游

庠後名益噪康熙庚午鄉試得咯血症歸而卒年甫逾冠

李永祺字鶴君嘉生孫康熙己卯解元熟精經史下筆有根抵

為諸生時科歲五試冠軍何義門亟賞之發解後三上公車

不售著有河干詩草善志

許涓字臨洲康熙庚辰進士授湖廣石門令其地苗蠻雜處涓

開誠撫諭諸土司格心向化巡撫趙申喬保奏內召卒於途

居官十五年清貧如故歿祀名宦祠子王謨王猷俱有傳江浙志

通志

曹爾樽字占占少負雋聲因母病究精醫理待弟六人極友愛

妹寡留養終身撫孤姪與子無異視有中表弟兩人不容於

其兄招之家為婚娶舉鄉飲賓不赴與弟奕雲輩俱工詩著

有東干小草善志

浦文焯字元量號鳳巢幼即穎特困童子試康熙丙子年三十

三始游於庠秋中副車迨壬午舉順天鄉試丙戌成進士授

蠡縣知縣在任九載民被其惠遷真定府同知莅任十日即

擢河間府知府旋陞直隸巡道雍正三年改巡道為按察司

特旨即以文焯補授常手定爰書至丙夜輒誦歐陽崇公

語以自警兩次鑄職乾隆初起廢員授福建糧驛道未之任

卒著有鶴貽堂集平恕齋文稿

善志

曹奕霞字哲庭號白村究心經史兼涉百氏弱冠游京師流譽

公卿間和周司空雙劍歌盛傳都門有曹雙劍之名康熙乙

酉蒙 召試賦白杜鵑花詩稱 旨 賜內膳充纂書之選

不就徧游五嶺歸居白牛村著白村集雍正甲寅舉博學鴻

詞以老疾辭子鑑乾克承家學

善志

顧心錯字駕徐號虎仲秉堅子博學能文兼通刑名家術康熙

辛卯舉人雍正庚戌舉茂才科授河南溫縣知縣調河內邑

有漑田渠二倫注越洩常相爭鬪命案壘出為設夫司啓閉

挨日遞洩民無旱潦之患境賴以安右族以義男爭嗣速訟

幾破家心錯使就讞邑神廟片言而兩造悅服擢光洲直隸

州光城中貫大河北城根逼河孺城中地高等女牆民環堞

而居圯則盡為澤國心錯捐俸修築河孺密排以石下張上

斂民乃安堵時大中丞雅爾圖贈以詩有才並松濤湧人如

竹韻清之句政績載州志年老乞休兩袖清風晏如也蔡維

熊舉尊德會心錯與焉壽八十四

善志

程緒祖字繼三穎敏嗜學卒困鄉闈孝友任卹敦本睦族家中

落親命奔走覓衣食以奉養無人依依不忍離膝下迨子鍾

彥長得重闈歡始出服賈有弟歿崖州不憚間關萬里歸其
櫬後鍾彥既歷清要杜門重陳故策課幼子與孫不問家事
布衣蔬食神明不衰壽至一百有三歲乾隆三十六年 欽

旌昇平人瑞額給帑建坊加

賜銀緞

大清一統志 參善志

戴家理字爾齋國學生年十五貿遷奉養嘗侍父舟行遇盜奮
身捍禦父墮水理赴水掖父浮沈里許獲救免性喜施濟待

昆季尤友愛

善志

沈源德字大川號容齋工八法性敦厚時值歲歉創制連升法
出米二升收錢一升貧民欣誦初未有子置一妾詢知良家
女亟返之不索值贈以匳具使擇嫁子映暉有傳

孟世奇字曾唯諸生亞聖六十四世孫事親孝舌耕以奉甘旨

弟早世卹其孤寡嘗鬻田代外祖償賦兩還遺金衆高其誼

善志

顏綸字御飛號侯山諸生事親孝待人忠厚工詩文善畫好理
學家言服膺明儒胡居仁重刊居業錄著有碧巢詩稿畫學

金鍼乾隆四年舉鄉飲大賓壽八十

善志

許王謨字端操康熙甲午舉人自幼隨父涓任湖廣石門令讀
書之暇吏治多所諳練銓選四川委署宜賓令邑稱煩劇又
值承辦軍需籌畫無誤大吏器之檄督雷波城工在萬山叢
木中謨伐山開道工將底績觸嵐瘴卒陰一子入監肄業

善志

參家傳

陳朝詠字胄和志子監生事親得歡心有弟三人友愛頗篤周

族弟某終其身親黨有告急無弗應家雖中落不悔也志善

郁劭字孝則號葦村年十三游庠天才雋異詩文詞賦書畫琴曲靡不究心惜刻苦嗜學不永其年著有葦村集

曹鑑浩字牧亭號雲壑松郡庠生金山籍居高陽里詩文工麗兼精岐黃術貧者送診並助藥資年八十餘猶徒步鄉村為

人診治著有漱石吟稿曹小志

許王猷字賓穆號竹君天才卓犖讀書過目成誦康熙癸己進

士選庶吉士習國書博聞強記同館推重累擢少詹事掌

記注遷內閣學士兼禮部侍郎三主文闈得人稱盛乾隆戊

午江南榜如沈文愨楊大琛吳虎炳倪承茂其尤著者也居

鄉謙謹與人交外和內介嘗集邑中耆舊九人做香山故事

為尊德會相與歌詩以紀勝一時傳為盛事書法力追北海

晚年品更超妙片紙寸簡人爭寶之壽八十子廷燦副貢生

廷燦監生孫世壙有傳世善志

蔡維熊字星若號軼亭又號秋澄敦倫績學士林推重性温厚

而勇於為善雍正間歲饑出銀米以賑災黎並施藥樹同善

會首倡捐資置田買屋賴以振興創建支祠置義田三百畝

以贈貧族晚年做香山故事集耆舊如戴賓許王猷程緒祖

輩九人為尊德會開筵賦詩繪圖以紀一時傳為盛事乾隆

二十七年維熊迎鑾祝釐蒙賜內緞一端以子以臺

貴封翰林院修撰著有軼亭詩鈔芷江集善志

楊爾德字質為康熙戊戌會元由庶吉士授編修會大將軍年

羹堯入朝朝臣爭出迎爾德獨不往羹堯敗 世宗知之擢
禮科給事中遷都諫有直聲旋視學廣東條陳學政事宜並
積貯深中綏要歲試甫周以勞瘁卒於官年五十七事 聞
奉 旨楊爾德尙有老母著浙江巡撫留意照看時人縉之

善志 參 婁志

程國祥字巨需父亮祖遷居仁濟里遂籍嘉善國祥生而穎異
髫年題詩於壁曰我本芙蓉城裏客廿年蝶夢落人間父見
之不樂年十三握管爲文有奇氣十七遊京師入監肄業贅
錢文端甥館新安汪文端見其詩文曰此長吉後身也應京
兆試薦而不售旋病卒年二十著學易闡微未竟 善志
支期字品山立七世孫貢生幼卽穎異力學敦倫里黨有小五

經之目屢試不售康熙乙酉擬元又坦率然聲已無翼而翬

秦中士大夫知其才聘修通志船唇驢背手不釋卷晚年與

纂邑乘詩載藝文著獻東吟稿子江副貢生績學工詩文 善志

陳廷玉字陰穀號崑圃附監生父禮有同懷兄振歿無後以子

嗣之屢嗣屢殤及廷玉生得嗣兄後廷玉器識凝重才能任

事事親孝撫孤姪與子無歧視有祖墓在新安被人謀占千

里訟理得返捐千金建宗祠督理勿懈好製藥餌療人疾閭

里嘗稱之母歿哀毀未反 善志 參 家乘 小祥卒子蘭徵有傳

顧書容字宗衛號靜娛考授州判事親以孝與兄書柱友愛尤

篤終其身怡怡如也書柱字魯山附貢生敦行力學 善志

畢誼字元復康熙戊戌進士由咸安宮教習授內閣中書雍正

二年擢刑部主事或議其持法過寬奉 旨仍以內閣中書
用旋以薦授內閣侍讀秩滿遷戶部郎中壬子主考貴州旋
擢御史轉禮科給事中再轉兵科掌印給事中兩校禮闈稱
得士乾隆元年設總理事務處選滿漢四人入直誼與焉數
議 國家大典禮及大政事淹雅精確政府咸信重之其在
臺垣前後章奏凡二十餘上如弛銅禁嚴緝賭具條奏科場
事宜皆一一施行又奏請條陳經史以裨 聖學及江南河
工兩疏皆洞中機要鄂文端爾泰嘗論當世人才謂畢君奏
議今之陸敬輿也乾隆二年循例外轉鳳廬道以事鐫級調
用事白以主事銜食俸充平定金川方略館纂修官卒於京
邸年六十五子應辰乾隆十五年舉人

妻

黃景佳字熾巖年十五應童子試學使奇其才錄冠鄉校康熙
庚子舉人越三年成進士宰柏鄉有惠政文字古茂淵永外
孫曹希煌擇其尤者刊入文衡集

戴賓字西雍號二蕉善邑諸生謁選得國子監典簿事親以孝
聞建宗祠置祭產盡敬宗收族之道性好施與凡有義舉率
先爲倡構四詠閣羅列圖書以自娛董文恪爲繪圖沈文愨
記之蔡維熊爲尊德會賓齒居最壽八十有八子振麟能孝
養克振家聲

志

管世昌字宏通號鳳山居惠安里真草隸篆皆工喜吟詠子唯

木乾隆庚午舉人官遂溪知縣

妻

徐維城字韓溥號雪晴恩貢生家世業儒通經籍工詩古文辭

善引掖後進遊其門者多僑才父疾城累月不休寢藉硯田以供甘旨粗糲自飽從兄歿周其孤寡雍正壬子闈卷以一字微疵被落未嘗介意子鍵字掌修號巢筠乾隆己亥舉人

官湖北黃梅縣知縣

善志參曹小志

蔡煒字亦袁廩貢生官臨海訓導邑生多通賦煒作訓士文諭以大義諸生始知自愛設齋督課士風丕振卒於官平生孝

敬善屬文著有易憲霞城偶草

善志

郁廷揚字雲士號晴巖善邑諸生好讀書耽吟詠與徐維城善維城號雪晴時後進稱二晴先生子金淘字古年號耕花諸生嗜酒工詩著有耕花齋亦吟草

程鍾彥字驥超號芥亭雍正癸丑進士選庶吉士授陝西道監

察御史條陳水利便宜一摺載入名臣奏疏丁卯充河南鄉

試正考官歷遷太常寺少卿凡有關國計民生俱疏告如禁

止香山開煤添夫挑濟運河各疏 硃批嘉納鍾彥幼即穎

異長而益探經籍文溯八家詩宗選體歷官清要三度恭逢

侍 宴賦柏梁體詩疊叨 恩賚未竟其用而卒著有經義

日纂皇華紀程南村草堂集

節梁文莊撰傳及善志

蔣文明字百城號秋水諸生雍正六年 詔內外各官舉其所

知以宏任使文明得薦授萊蕪令以公事與上官辯上官怒

坐以酒失被議故有三年報政渾無事一醉休官最可人句

既歸與趙金簡輩以詩酒自適

蔡以封字桐川博通典籍與弟以臺齊名雍正乙卯優貢乾隆

壬申副貢官武義教諭著有觀光集採入四庫全書目錄

曹復元字興門號月帆弱冠入上海庠改金山籍居高陽里乾隆丙辰舉人選河南林縣知縣改溧陽教諭首倡風清造士有法引年假歸掌教雒水魏塘兩書院士林折服乾隆己酉卒年八十有九著有六榆散人草十餘卷未梓子湯鼐有傳

善志

陳興祚字緒三號芥舟乾隆己未進士授福建仙遊令時有泉人俞得海越獄拒捕未獲仙遊林姓等七人以疑似羅織陷獄祚蒞任後廉得其實力請開釋屢觸上官怒卒如所請後補河南洧川令撫字得宜大吏知其才委訊張仁叛案釋枉者鉤致黨類卒無疏忽他如賑窮黎毀淫祠均徭剔蠹至今

閩豫之民猶頌之

節表文達
行狀及善志

張正鑑字振聲號晚翠監生考授州吏目年十一失怙哀毀如成人好學敦品事母盡孝乾隆壬戌暮晚翠軒以娛親課子生平重然諾樂周人急如同善會及平糶諸義舉無不首先以倡乙亥丙子間連歲荒歉鄰里之貧乏者按戶給米人咸德焉暇則探究地理星學自推庚辰歲星不利至冬卒著有吟壇小史地里平洋秘要待梓善志

陳起鳳字臣諤婁庠生謹飭自好母病寢食俱廢以憂甚遂發狂從高樓墜下幾殞母愈亦獲痊後實力襄建宗祠始終不怠

趙金簡字玉書號赤繡上虞籍乾隆己未進士博學能文書法

渾勁選通許令改官杭州府教授嘗對客揮毫數百言立就
卒年八十四梁同書贈以地葬西湖之濱姪世凝字岳輝妻
庠生嘗有越郡人被誘拐者鬻為奴世凝贖之送至家不告
姓氏而返倡建德星橋以利涉

善志參
曹小志

顧惟麗字松辰庠生苦志力學專精五經弟惟本字孝標廩生
詩文字學各擅勝場同族昌祚庠生敦族誼積館穀資置田
以益祠祀許陶然字龍成庠生讀書刻苦績學工詩文

許椿字董園號南菴性倜儻好讀書警悟絕人乾隆辛酉舉人
授內江令有惠政會兩金川逆酋不靖大帥檄辦登春糧站
事死木果木之難事 聞贈道銜 賜祭葬廕恩騎尉世襲
罔替入祀昭忠祠並祀鄉賢當其署儀隴雙溪縣時會 王

師征緬甸蜀省協供騾馬灌縣令沈鵬畏瘴癘不敢行因代
之而滇黔山嶺固險惡椿安之若素不廢吟詠自嘲詩有七
尺軀何愛 君恩欲報難之句識者知為先識著有南征旅

草二卷

善志參

王士升字乘麓號遠羽乾隆辛酉舉人官合肥令性仁慈每慮
囚不忍鞭撲歷署徽廬兩府同知檄督五河開墾大愜民望

善志

黃漢字學海諸生工文屢試不售嘗慕高忠憲陳幾亭同善會
義舉與其弟泳仿行之復募置館舍會中任事泳尤力泳字
文河牒請兩省當事不避寒暑勸捐時至為市井不逞者詬
詈而會事竟成

善志

沈承點字東陽號吟耕善庠生屢試優等魏塘書院缺膏火資
捐田若干畝周卹三黨繕修祠宇往往獨力任之著有夢花
軒詩稿弟承照字賡明好施與嘗見閩商失資覓死傾囊與
之

孫王綸字朗亭號訥庵乾隆乙丑進士學問宏通官嚴州教授
諸生中有徐日紀者器之妻以女日紀果貴後以兩次俸滿
未遷遂拂袖歸子銘仁字應元諸生讀書好善孫懷澄字樵
村官金壇主簿工詩

胡燮臣字煥三號諧字乾隆乙丑進士官將樂知縣改徽州教
授以善教稱工舉業從游者極盛掄元奪魁者指不勝屈著
有煥三歷試草

蔡以臺字季實號蘭圃乾隆丁丑會元 廷試第一授修撰庚
辰分校順天鄉試尋補日講起居注官辛巳春 駕幸五臺
途次 點會試同考官時方 扈從未及入闈當是時五路
鳴鑾九旂揚旆以詞臣珥筆趨承 程桓間時聆 聖訓同
館望若神仙未幾以親老乞養歸從居喪以哀毀致疾卒以
臺自幼穎拔鐘鼎圖書金石之品寓目即能辨真贋詩文氣
骨奇高書法得魯公三昧居鄉不謁當道著述多不屬稿存
姓氏竊略六卷三友齋遺稿子學遜廩貢生著有晉游小草
孫傳謹官長蘆鹽大使

善志

程國珍字方貢號采山秀水監生幼孤力學文筆近章羅場屋
不利家貧母老援例爲縣丞將以微祿養親需次都門以繪

事流譽公卿間性落拓畫不自珍惜平生好施與有任俠風人以緩急告者無弗應年僅三十而卒子維岳有傳善志

謝垣字載東號東君乾隆丙戌進士官刑部四川司員外博學

能文怡情詩酒畫不苟作得佳紙握管古雅可味或揣其困

乏以饋遺求片楮輒拂袖起雖勳貴弗顧也乙巳正月詔

舉千叟宴垣與焉賜萬年藤杖旋解組歸與里之士大夫

結詩畫社評鷺甲乙賦詩紀之著有壺領山房詩集善志

謝墉字崑城號金圃垣弟乾隆辛未南巡召試第一欽

賜舉人授內閣中書壬申成進士改翰林南書房行走屢

充鄉會同考官乙酉以庶子典福建試乞假省親陞侍讀學

士擢內閣學士兼禮部侍郎銜遷工部左侍郎入侍經筵

尋督學江蘇任滿調禮部戊戌會試知貢舉己亥典江南鄉

試庚子復知貢舉調吏部辛丑會試正總裁殿試讀卷官

是科狀元錢棨鄉會榜首出墉門下藝林傳為盛事癸卯復

典江南鄉試留視學政恭遇聖駕南巡於途次召對稱

旨御製詩章灑翰以賜墉與人交中懷坦白無所

瞻顧致以浮言被議降官編修未幾仍命上書房行走年

七十七卒嘉慶五年贈三品京堂銜并予卹典著有詩學

正說安雅堂集子昌鑒恭銘俱有傳揚鎮丙午欽賜舉人

善志節
行狀

俞爾昌字麟含號善園乾隆壬申進士官仁壽知縣工詩文在

京邸時與蘆墟陸瓚為莫逆交其子曜尚幼一見奇之以中

表兄弟女許焉後膺二品夫人誥封著有普園詩鈔子仍毅
字次剛妻庠生有文名仍實字益齋官玉山典史

曹小志

